


柳田文庫
文庫11
D 94
3

三



文庫 11
D9K
3

道園詩遺彙

有元西蜀徵文獻虞老高名孰比倫遺
什統應歸類彙此翁不僅是詩心神仙
丰骨中尤大道學文章品最真異代鄉
先揚馬席豈徒詞賦接芳鄰鷺溪棋題

古棠訂本

柳田泉之序

48-11762

010190548975

道園遺藁原序

自昔文章家著述其集有內外篇前後續集別集之分蓋由其體制有同異歲月有早暮故其編纂彙次之法各有所存然其文之可傳者雖單詞斷簡皆不得而棄置則又有所謂拾遺者焉國朝一代文章家莫盛於閣學蜀郡虞文靖公公之詩文曰道園學古錄者其類自皆公手所編定天下學者既已家傳而人誦之矣然其散逸遺落者猶不可勝計也其從孫堪克用乃爲博加討訪積累之久得古律詩七百四十一篇而吳郡金君伯祥爲鈔諸梓是編之傳其殆所謂拾遺者乎予嘗獲執筆從公之後而竊誦公之詩曰爲國朝之宗工碩生

後先林立其於詩尤長者如公及臨江范公蓋不可一數也學者讀是編則知其殘膏賸馥沾丐後人者夥矣今公已不可復作予是曰三復是編而永慨也抑公平生所爲文無慮餘萬篇今學古錄中所載不啻十之三四然則并加討訪而使之盡傳焉豈非堪之志而予之所深望者乎昔昌黎之集成於門人河東之集託於朋好惟廬陵歐陽公之集其嗣人能致其力焉若堪之汲汲於此其亦可謂無媿於歐陽氏矣夫堪一字勝伯至正二十年正月十日金華黃潛序

故奎章閣侍書學士蜀郡虞公道園學古錄其季子翁歸與公門人李本之所編今建寧板行者是也書始出

如景星鳳凰士爭先覩之爲快而湖海好事者復輯公詩另爲一編然與學古錄所載皆有得失予意其蒐葺已無遺憾近於一二士友閒每見公詩文皆公所親筆較之二集中多所不載然後知公之篇章在世不能無遺佚者予外姪克用公之諸孫也好古嗜學早夜不倦聞士友閒有公詩文輒手編成帙如是者累年積其所得凡七百餘篇皆板行二集所無者遂分類編次爲六卷附呂樂府題曰道園遺藁屢欲刊之而未能也近克用假館于吳江之金君伯祥家其先君子樂善至治閒嘗識公于吳蓋平日之所欣慕而樂道之者克用偶出是編伯祥亟命鈔諸梓昔虞公南來椿呂總角獲拜公

於錢唐嘗從叔祖母家氏博涉書史嘗手書蓮經一曰出曰示公公不勝渭陽寒泉之思至賦七言古詩辭極悽愴且手跋於後者垂數百言今二集既不錄而椿又不能追憶呂附克用集中可勝歎哉然觀克用所編凡公平日之雄詞健句膾炙人口者悉已收入則其所遺者已鮮而克用之用心尙未已也予嘉其志與伯祥之好義故因其請而爲識于簡端至正己亥夏五月旣望眉山後學楊椿序

有作之於前而無踵之於後則其傳不永欲永其傳必後先得人可也吳郡素稱文獻邦而人多好義事有可資於世者則不惟作之者有其人而踵之者又有其人

若長洲陸君守道早從虞堪勝伯遊受其教益居多堪嘗裒其從祖道園先生古律詩七百餘首竝古樂府若干篇而金華黃公晉卿眉山楊公子年皆序於前金氏伯祥已爲鋟梓迨今歲久版多亡闕存者僅三之一且模糊閒出守道以其師之故方圖補刊而易其模糊者奄及易簣二子珩璫念其父志今續成之徵立序其事於戲先生之片言半簡猶爲今之所重況其詩之大篇短章足以垂于天下後世使人躍然而欣睹者二公論之悉矣奚待後生小子立之言哉雖然若是編補刊之始末與夫守道之不忘其師珩璫之能繼其父以見吾邦後先之有人而得永其傳者是皆可書也故爲之序

其後如此至正二十三年癸酉十二月初吉行在翰林院侍講承德郎兼修國史後學彭城劉立謨

先叔祖學士虞公詩文有道園學古錄翰林珠玉等編已行于世然竊讀之每慮其有所遺落凡南北士夫閒輒爲蒐獵訖用有年始得詩章七百餘篇皆章二在人耳目及得之親筆者蓋懼其以僞亂真故不敢不爲之審擇也惟先叔祖鴻文鉅筆著于天下家傳人誦其大篇大什諸編前橐已得其八九此蓋拾遺補闕庶免有湮沒之歎方類聚成編以便觀覽而吾友金君伯祥乃必用壽諸梓以廣其傳命其子鏐書以入刻伯祥之施不其永耶外有雜文諸賦尚有俟于他日云至正十四

年五月甲子從孫堪謹識

[Faint bleed-through text from the reverse side of the page]

虞文靖公道園遺稿詩總目

卷第一册

琴操一闕

古詩四言十四篇

古詩五言六十三篇

卷第二册

古詩七言五十二篇

卷第三册

律詩五言八十三篇

附律詩七言一篇

卷第四册

律詩七言上一百十九篇

卷第五册

律詩七言下一百二十篇

卷第六册

絕句五言四十一篇 六言六篇

卷第七册

絕句七言一百八十七篇

卷第八册

填詞十七篇

共計七百三篇



虞文靖公道園遺稿詩卷第一

操

釣雪操

鑿方池兮山之曲仰喬松兮倚脩竹四岾來兮無不足
歲之寒兮天雨玉雨玉兮滿庭予何思兮折芳馨魚潛
淵兮亦在藻言將求之曰忘老鱖鱠兮鯉鯉有酒兮多
且旨霏霏兮來思尚友兮君子

古詩四言

致樂堂詩

有註

致樂堂者集賢待制周君之所曰奉母者也蜀
郡虞集爲之賦詩曰

翼翼新堂有闔有房夫人來居既安既舒攸芋攸寧載
燠載清言闔于門曰寫我誠有駟其馬有仇其軒爲子
來者允貴且賢貴容舒遲賢有令儀爾因爾宗先君之
思翁爾兄弟具于嘉旨我飲我食先君之子詩言溫柔
禮言著存我撫我惠先君之孫樂哉誰氏維周壽母疇
克致茲周南仲子君子善頌文則多有又永歌之曰導
燕喜

萬戶張公廟堂詩

并序

大德辛丑昭勇大將軍河南征行萬戶鎮通州
張公曰其兵從征緬死之通人作廟曰祀公二
十年閒朝之公卿大夫士能爲文章者莫不爲

之制作泰定丁卯公子御史亦俾予賦之集曰
爲征緬事始末在朝諸君子則知之矣通州僻
在江海其人何自知之況久遠乎且不著夫狂
夫首禍之故成宗皇帝聖明卒致其罪則公所
以不肯墮其構陷必甲冑以死之意亦終不白
於通人故稍原其始而道之庶將來其有考也

詩曰

於赫世皇竝用豪傑一定宇內橐厥戈甲旣久旣安成
宗繼之祖功莫加道在手持狂夫興謀以動相國曰昔
祖宗咸尙戰克萬方悉來史皆前能我獨無名曷稱繼
承蠢彼西南醫叢負固聚落八百各統女婦人強善驕

馬貝競豪豢豕于牢黃金飾槽取而有之富可足用赫
乎功多以世智勇相臣以聞天子曰嘻有是言哉汝其
試之狂謀既售諫言不入既賦軍實弓鉞仍戢餽饗啓
行萬里騷然飢危蹈毒未戰已捐番二名將天子爪士
鎮于江滸天子所使狂夫忌之承制驅之詎思國謀徒
逞厥私將軍慨言死爲臣職可陷者身不陷吾職見制
鄙庸豈我召凶心知無還況冀立功與其矯誣死彼狂
手孰與奮擊不喪吾守孤旅轉戰深入不回殺戮既多
身卒死之三軍失聲萬士喪氣孰明公心君門萬里裹
革東歸遙二江壩部曲候迎悲風旆纏民懷其忠士感
其義虎奮鷹揚如見其至卜廟得吉東望際海神其妥

之有永無壞狂夫辱國天子震怒立呼狂豎斬以大斧
狂罪則誅死事奈何褒封哀榮百世不磨豈惟不磨元
嗣御史既有兄弟又多孫子奕二勳門秩二良材天之
報忠豈有涯哉

柏堂詩

崇仁劉觀母熊氏有貞節觀作堂奉之翰林學
士吳生有記藝文監丞揭曼碩氏作頌朝賢多
繼聲者元統癸酉集歸自京師亦爲之賦焉

翼二新堂深明高安嘉樹在庭維柏桓桓霜降露濡載
寒載溫歲以序遷我有恆歡惟肯壽母來居來言昔扶
弱支今撫其繁先君之思永矢弗捐視此庭堅不忘以

存肅二令子敬其前聞婉二有容郁二有文室其宜家
長其子孫暖日扶輿涼風進軒駕言忘憂游息山園閣
度淳珍匝汎鬯芬樂峕和豐具養無愆孰栖爾柏翮二
其鸞里人瞻之孝慈之門君子有言德風攸敦敢告司
藝善培根原

題胡徵君器之和陶軒

春木晨榮秋華夕滋流雲行天逝者如斯柴車葛巾曷
能歸來我懷古人徒誦其詩有美君子尚友先覺靡觴
不詠無詠不屬豈無他人孰此追躅優哉游哉君子之
樂吾儕小人力絀乃休猶可以馳曷其停輶卷舒無悶
入聖實優敢以未成竊方前修祖德之述尙論其世我

獨何爲夙墮羈縻聞君贊歌祇以生愧既曰知非請勸

餘歲自註集讀書中山昔草屋三間以紙糊其壁舍弟
仲常爲書邵子諸詩於東謂之邵庵書陶詩於西
謂之陶庵吳先生見而歎之以爲
世內無窮之悲世外無窮之樂也

心遠堂詩

渺二平湖其際維山飛鳥載雲晨往夕還平湖瀾二薄
于山止雲窮于飛目力無際慨昔周游山川邈悠忽焉
興懷一息九州千古旣往萬古方至悠二我思譬彼逝
水樂哉君子其居深二不邀以寔式究厥心

題上官樵寓

青松爲關白雲爲戶其迎無賓其住無主假夢得鹿遇
弈忘斧不去不畱是曰樵寓

東坡笠屐圖

謫居荒濱無誰與語言從諸黎歸在中路風雨適至借
具田父信童怪隨傳像畫者笠以雨來屐以泥行匪以
爲容用適其情朝衣軒車固將若驚恆服爾假猶不予
寧含德之厚混迹於俗魏二勳華天章轉燭幽囚野死
曾莫指目我不自忘的致凝矚偉哉天人其猶神龍其
來無迎其去誰從形擬猶差矧是飾容世無其人神交
或逢

呂洞賓像

洞庭無波明月萬里我肯見之劍若秋水

玉清道士魚障

春雷發聲風雨皆至跋浪龍門一躍千里我服神丹得
爲水仙鱗二媵予飛朝九天

墨蘭

遍遊楚澤枝訊葉辨使讀騷者得見真面
好風東來其葉紛披所不隨者芳荃自持
歷沅跨湘無二無雜向一毫端生分別法
日莫無雲微風扇和樹之百畝寧愁其多

畫魚

東人結網西人漑鬻滄海長逝吾獨何心

棋曰四言詩襲三百篇貌不是遺三百篇貌又不是
譚藝家以爲難能

古詩五言

次韻答袁伯長學士 十首

衡門有一士閉戶守玄一脩之三十載深不願世述晶
光無淪降赫二抱靈質終然不可揜煦物若春日
斗酒相勞苦聊樂不爲怠殖醢備百索嘉此歲無害馳
驅廢穡事每爲同里慨縣官庶能念中歲得半代
春花好顏色持以勸君酒君今不識察後竟侶今不悲
歌無轉喉拙舞不運肘生不與世諧死寧同世朽
少年學爲琴豈惜爲君撫知音不在今在昔或可數遠
遊竟不值歸將托幽阻念子獨我求龍門作風雨
雞鳴當知晨草生當知春出山復懷歸永愧先幾人飛

蓬離本條縱浪隨風塵流水東入海逝者何跋二

兩邛各峒堯荒隧下深迫狐狸號其顛儀秦此幽宅二
子昔在世往復相十百所以學仙人劇飲謝天厄
跼躄鳴趙瑟揚眉鼓秦弦遠奔萬金室窈窕若雲烟安
知碧草晚飛光無復年聲名竟不立淪落世羞傳
疏傳出漢廷決去豈不偉未能忘懷樂日問金餘幾陶
生行乞食何有口腹累鄧郎臨死豈不復著簪屣
少年頗濩落偃蹇無所承長大不得食常持一半冰昔
爲井中泥今爲井上甃未得復故初灌輸効微能
梧桐矢故蔭丹鳳蓄餘戀去之千仞端十載始來見高
秋竹無實忽二恐復遠昆邛玉爲田爲子採芝箭

六
棋日以閱世之深心寫高潔之天趣詩品在射洪感
遇上足徵伯生所學

早起二首

馳驚亦已久淹留竟何成疇昔夢至家屋舍還欹傾晨
思理垣墉夕念鉏榛荆唯恐歲年莫惕然心爲驚歸去
非有難納履斯邁征永言得安居庶無愧平生
昔運忽在秋觸目非故先哀蟬厲短噪雜英綴微鮮昔
人知化育能事本無言翕然變昔雍皞二同其天斷琴
具斯意一鼓三絕絃寥二竟何補戚二徒自憐

棋曰古淡

夜坐

露坐廣庭夕海氣接清顛毛髮感森爽幽夏集中抱寄
身百年內變化不待老區二事形骸所競非所賣昧茲
動靜閒生理誠草二聖言就湮沒迷散費探討所憾精
力微何以相斯道
溽暑多蚊蟲起滅尋尺內稍思出夷曠高眠釋煩憤凝
神一無爲消息任告代怡然以終古熒二自乘載逍遙
日月上下視渺明晦如何在世間動輒爲形礙得見王
子喬吾將解蒼佩

棋曰冲澹軒爽直舉匈臆浩乎其有所得也

遊長春宮詩分韻得在字

神宮古城端千里見畿內幽關挾北戶連嶂鎖西岱南

樹蕩何極東溟渺無碍中天積紫翠雲氣常霰隸孰云
萬有蹟攬括固茲在奇懷得縱觀指顧生百慨天風正
浩蕩春物尚茫昧翻愁目力短奕二飛鳥背永感神禹
迹願托穆王載仙人騎黃鵠一往不復再忽然會予心
雲中贈雙佩

錡曰夷曠壯偉何減昔人慈恩寺登雁塢諸作

題張希孟凝雲石

海石不盈握隕然如委雲危岑集遠思虛竇棲微熏天
高泰華斷日出香鑪分几硯襲清潤文章互網緼潛雷
起神谷震驚天上聞亟視恐無及化爲九龍文

題許愿夫抗雲樓

城居苦迫隘層闌上岵巽措身方丈閒千里心目超可
以抗浮雲誰能顧塵囂擬峴有古臺遺碑正蕭條子固
若星斗其魂安可招龐公輟耕際頗懷見凌霄賦詩托
飛鳥長空何寥二

次韻袁伯長贈陶心山

憶昔白雲君高居寶黃室夕煉黃帝鼎晨註神農經羣
眞峇滿坐逸響每盈庭寸田既無畔幽關那有扃飛凌
萬物表婆娑垂帶鈴歸來塵世外曾孫燕虛亭所志在
高遠三峰列青冥頽然得所止一念三千齡崑崙抱明
珠旭日曜空青槃桓有童子松根求茯苓

送周東揚赴零陵分韻得鳥字

拂劍池水秋理棹湘江曉地古記載多昔清戰伐少雨
洗崖石文風作林谷宵應上朝陽巖東望聽啼鳥

魏氏園亭分韻得池字

託好自故國傾懷得新知授館澗谷居張筵芙蓉池高
僧攝香至清唱入雲遲況陪兩時彥羣從俱忘疲仲夏
乃積雨水石各華滋高柳尤故物臨風綠披二曾及百
年外飛蓋來參差隆替與昔邁百室無一遺盛德獨能
遠感慨更共之西風白鶴表落日滄江湄二老昔在世
遺書方在茲勛哉保傳業子孫以相貽

喜雨分韻得須字

下車未逾月十日九馳驅祇知府事殷不聞燕寢娛傳

呼當夙興落月啼城烏中衢塵不動肅二來車徒借問
何所往高堂集羣儒列坐多皓首巍冠講唐虞遂以青
矜升鼓篋何于二是昔天氣高市童雜呼雩風雲東南
合倏然靈雨俱緩帶卻煩劇清涼變斯須麗澤深有悅
羣生亦昭蘇逍遙池閣上何必欣戚殊

鎮曰所謂卽事多所欣也此老襟抱可想

鄭同甫書帶草軒

六籍久將墜鄭君家多書韋編苦易絕掇拾以蟲魚幽
草長春雨參差在庭除紉結可束素垂之仍有餘焉知
廣文舍猶如不其居光風動交翠汗青羅綺疏耀二照
屋壁烟雲隨卷舒春夢不可長蟾輝墮檐虛故人舊題

字使我增欷歔

朱秀之杞菊軒

高軒何所植杞菊交根枝紫實既秋熟黃花亦晚滋嘉
名信共愛何以療予飢此邦號富庶士賈志懷資蕭條
山石閒誰復見惲癯遺脫兼并餘椎剝無完肌縱彼百
晦受豈得安耘耔種此頃步內庶無征奪思採擷勿違
節烹筆貴有宜三咽可千歲逍遙奉天隨自註集游吳
中因省墓山
閒頗見田野有可念因贊高軒之樂
而及之庶觀風者之有采而知之者
鏗曰民風士習吏治俱於一閒詠中道出孰謂伯生
宅心方外也

杞軒詩 有序

吳郡故有金氏名章者仕宋為迪功郎家饒餘
貲而好施予子孫相承以孝友著迄今室居尚
餘曰存五世孫在讀書飾行鄉里九稱為善人焉嘗
手植杞樹于家其本初甚微未幾益滋茂因構
軒于傍名之曰杞軒集嘗登是軒遂為賦詩以
紀其事在字澗甫樂善其自號也

東南有嘉樹蔭彼君子居君子矜侯裔積善慶有餘俛
仰二百年猶是舊室廬一朝種茲樹森然榮庭除種植
曾幾何倏爾凌空虛亭二結根據枝葉交扶疏高軒構
爽塏對此頻軒渠芳春膏雨沐炎夏薰風徐君子日夷
猶澹然塵慮攄對客共譚笑課兒事詩書昭二穹壤閒

此樂復何如。竭來數十年。此樹高于初。信知君子德。歲久同發舒。願言繼封植。勿共荆棘鋤。庶幾魏公槐。方今猶權輿。

聽秋軒

爲僧賦

道人攝袈裟。深坐滅靜定。長松結層霄。密竹生晝暝。龍吟崖石陰。鳥度池月瑩。秋從何處來。觸物成我聽。振空林外錫。旋復室中磬。耳根證三昧。圓應普虛罄。所懷丹邱生。春夢一擊醒。等此聞性觀。素壁寫三逕。錕曰讀長松十字。不必到其軒。令人生隱心矣。

玉壺堂詩

有序

積水之極蔚然中。邱渾侖穹隆匡廓扶輿就之。

若虛履之若浮人不可到也。而仙者居之以其園中而方外故謂之壺焉。聞有何公真人有依綠之園。蓋取諸水也。又有玉壺之堂。殆擬此與會稽鄙夫曰天由地生。巍二尊高旁有垣闕狀如蓬壺。曲閣相通。可以踟躕。且玉者積陽至剛純粹之精。取類孔符哉。看雲叟曰是吾師也。子爲我賦之。乃賦曰。

真人德孔容。治生尺宅閒。外質謝追琢。中虛保堅完。合璧映華蓋。懸珠隱泥凡。天地立有極。日月循無端。晨從密霧入。夕與飛景還。足履五文絲。首冠芙蓉丹。行廚膳琅膏。燕坐以盤桓。弟子看雲叟。疇昔爲我言。往見不可

得期之三千年

送可無上人

五公昔講昔聽者不起坐虛空悉銷殞何由見人我名字誰與安說義話已隨尚自無亦無更問可不可有如天雨華誰能拾餘朶

送南野真人

山中積雪盡江南春水多解劍還上方朝衣挂松蘿城門望羽節扁舟聞櫂歌故園良已適昔游將奈何閒雲棲古樹空壇遺落花何昔兩衰鬢相將照江波

鎮曰發端冲曠

次韻鄭善之遊山中

杖藜入南山卻立賞奇秀所懷玉局翁來往納履舊空餘松在澗仍作琴筑奏徘徊龍井上雲氣起晴晝入門避霑灑脫屣亂苔鬢陽岡扣雲石陰房絕遺構澄公愛客至取水絕幽竇坐我簷葡中餘香不聞嗅但見瓢中清翠影落羣岫烹煎黃金芽不取穀雨後同來二三子三咽不忍漱講堂集羣彥千鐙坐吟究蕭蕭雜飛雨沈二度清漏令我懷幼學胡爲裹章綬

鎮曰諷詠數過直有遺世之想彼裹章綬者無庸知亦正不能知也

題王眉叟真人溪居對月圖

長松千尺起白石下磷磷隱居愜素念燕坐見閒身溪

流宛無異月色亦常新
悠悠宇宙內對月今何人

題天台柯東谷

汎觀天台圖始識柯東谷
草樹何蒙茸循澗入深曲
升高雲繞身厲淺石嚙足
桃花一千樹隔竹映茅屋
中有學仙子黃庭書嘗讀
俛聽下玄鶴遠至馴白鹿
疑是司馬君高繼陶生躅
臨海賓出日藝圃收種玉
太白何嘗來東柯賦明月

鎮曰讀此詩知公身有仙骨也

春山曉行圖

置屋雪巖陰耕田雲洞表
積雨白霧收遠林翠波曉
農人告春及扶杖驚窈窕
久與塵事違冥鴻送孤矯

山居避暑圖

急雨山泉落長松激回風
靈響從天來夜高且彌雄
龍眠九州虛鶴起曾霄空
羽衣者誰子從我入雲中

秋江待渡圖

江潭秋木落臨流送將歸
微風蕩去楫相近更遠違
遠客從一翁吹簫白雲飛
我乃命黃鶴乘之待前磯

雪嶺盤車圖

玉關積雪高十里百盤摺
橐駝便平闊望見已愁絕
昔平無從軍道遠何由竭
惟應飛行仙萬仞俯瓊闕

雲屋圖

曾山出雲氣還白爲文章
木石共蒙被容華生老蒼
朝

來既非蹟夕往亦可藏道人宴坐次見之以爲常了知
不可繪相對聊徜徉

羣鮮朝鯉圖

吾嘗觀剝象貫魚何翩二其類實繁多咸仰宗厥顛金
鱗三十六其數陰已極用變乃純剝飛躍見天則于惟
君子升大小宜畢興巽風既動盪雷雨方騰蒸倦客年
五十讀易未知道觀物每興懷玩心以忘老邇昔臥田
里所願得豐年欲占小人夢乃爲畫者傳

謝吳宗師送芍藥名酒

講臣不常參宗寔奉朝請故人得好花持贈乃兼秉金
盤日中出品目標禁省一萼重數株大與牡丹并醲香

實尊貴深婉更加靜居然荷慰藉相對空晝永起求神
農經錄在淮海境天二美厥草曾不耀朱景上京素高
寒夏至冰在井沙草不滿寸苞葉成枯梗同生非異土
榮悴何不等此豈夫容丹逡巡太陽鼎灼二天女嬋儂
二步搖整盈二綃卷膚況彼南國迥移置諒不可孤賞
且深領雖與名酒俱絕飲畏滯冷頗聞好事者采擷置
充茗刀圭果三咽五臟化俄頃文章麗出口儀鳳同煥
炳言誇眾應疑所貴仙者肯

鎮曰姿態穠麗乃以瀟洒之筆出之可謂善變

次韻天台張秋泉

張侯殊可人長著百斛酒吾來輒醉取未晏臥嬰缶吾

意適君會斟酌愧勤厚清濁無所嫌但喜杯在手不負
頭上巾每懷陶五柳

十月十八日聽誦道經

崑崙極高大九巖冠其顛空洞蓄幽渺網緼遂迴旋真
情忽恍際純明徹幽玄倒景俯白日浮氣堆紫烟奇文
妙變化靈響含自然降神作賢聖理物成歲年古書二
三簡殘缺忘所傳中夜坐燒香微吟思至言身生堯舜
後意在羲皇前隕然泯知識經峇雪垂肩

錕曰伯生力肩道學而參以黃老後世所以文苑相
位置也

陳溪山先生畱山齋春日賢郎來省具酒爲樂

集賦此詩

齋居愧幽宋君子肯辱臨怡然推夙好曠懷明斷金席
閒奉容止朝夕副所欽春陽汎物華昔雨流泉深戶牖
掃宿霧新衣振塵襟諸子昔來省森如羣玉林嘉蔬薦
甘旨芳酒盃朋簪伐木美嚶鳥鹿鳴歌野苓衰病晚聞
道力弱嗟弗任詩書實世業冠纓匪斯今願望羞龍斷
汗潢溢蹠涖守約易循理足欲資陸沈側聞太邱長率
物由平心敢因先覺言發予小人箴豈弟勗明德鳴鶴
方在陰

送會稽宰夏仲書進士兼示達兼善郡守

會稽吾故鄉今喜得廉吏三仕彌固窮不愧親策士故

鄉伊可懷西去廿餘世清流遶修竹可想不可至知君
垂朱紱吟嘯了公事還能探禹穴莽蒼思古始太守文
字交僚佐足風致汎舟溪雪前列坐惠風次詩成可繕
寫千里以相寄

送豫章熊太古兼寄蘇伯修參政

豫章有絕學玉堂不見收爲養不擇祿淒涼向炎州攬
結桂樹枝誰爲玉雪謀十年一再見我老君白頭古劍
光陸離繫以珊瑚鉤激昂文史閒未愧班馬儔蘇君天
下士定價琳瑯球江漢方渺然爲我觀素秋長吟一相
送明月在高樓

錡曰惜之重之又從而鏃礪之無微不至

哀陳童子

南山有鳳雛飛來上林樹祇承朝陽輝不食秋夕露珠
零海氣盡壁毀月光曙巫陽不能招荔丹滿洲嶼

答胡士恭二首

王母昔賜我一雙白玉環懷之四萬年恆在胸臆閒偶
因朝玉京識之爲開顏忽然化黃鶴飲食崑崙山漢武
好神仙多欲心不閒所以至太液遂從白雲還
鵬運候風信龍起雲從飛神物本無待感類相因依高
人服金丹質化識者希引睇貫霄漢倏忽歷九圍駕言
清秋鶴同承太陽輝何期老鍛翻素心竟成違

書昔人出入西廣詩後

道路無險難征人故多傷窮愁一酌恩感舊忘他鄉九
疑不能從二妃在瀟湘無以寫幽思吹笙鳴鳳凰

宿紫極宮新樓

野人入城府且就雲房宿東瞻蘇翁亭南望孺子屋相
從總君子寒夜對明燭閱世如雲烟進道貴金玉取泉
總持并烹茶武夷曲疎梅折高枝蕭閒對晨旭欲寄高
軒人修眉遠山綠

秋江亭

白沙積高雲有文見川交華屋垂光彩沈壁依潛蛟偉
哉江海客結亭在其郊流波散席上絕岸當堂坳靈槎
八月至垂綸向金鰲清露集衣裳嘉魚薦壺匏賓客歌

白苧微颺激林梢

次韻陳溪山送搖扇

念我久坐雨貽詩遠來詢遙知治寸田隄防固嚴闈憂
樂無嬰懷蕩二義皇人自信知者稀虛名非所親南薰
待披拂感此昔物新無由奉言笑泥塗滯周輪長筵豈
手容招搖遺閒身受經浮邱伯老矣弟子申何以答佳
貺執御從後塵火傳思爲薪烹魚漑河濱

贈喻仁本

早從中州遊希孟實豪傑穹窿如喬嶽培塿謝甃甃侃
侃買燈疏英主動容色賢子瘞黃壤感痛解朝玦朝遊
長白春暮躅歷亭月慨然得終身屢召不踐轍兵後關

中飢特起救焚烈反袂傷道窮委頓成殞絕賦詩哭遺
直好事爲鐫碣爾來二十年江海鬢如雪每興故人思
遠道歎睽越忽逢喻先生江上倚舟楫久爲濟南客山
川類能說共言中丞舊流水慟嗚咽更出中丞書歲久
字不滅交誼貴久要於焉見高節問君將何之束書向
京國豈無同門士簪笏在周列觀人以其主論薦共持
揭敢爲祿仕勤聊以誦明哲古人不可期長風起天末
鎮曰一往情深文之有真意者

夢舊游諸友

二月三日午後隱几夢館閣諸舊遊存沒參坐
陳眾仲舉杯相向曰旅甚思公亦知公之深思

旅但不得見爾記得有詩六首其末句云萬死
起俄忽只是一思憶是孟浩然作爲是白居易
予曰殆是孟詩但不記得感動而覺是年夏聞

陳亡

隱几暮春雨夢見舊知識瑰奇秦漢刻墨本在東壁論
辯如平昔契闊增歎息就中東海生顏色殊不憚停杯
不成飲執手道疇昔苦言孟浩然有句在胸臆萬死起
俄忽只是一思憶

鎮曰夢既可感一結卽用孟句警痛異常

題金溪汪尉雲松巢畫卷

喬木多悲風卑枝安可居興懷有巢氏渺在邃古初浮

雲無定姿溶二滿空虛脫身往從之一起千仞餘冉
愁絕思悠二隨卷舒白鶴千載來徘徊向匡廬乘蓋生
紫烟捨此將焉加惟有南昌尉凌風一回車

雲林圖

雲林之高峰可望日出海君子居其閒旦夕餐沆瀣三
年毛骨換九載神色改翩然升雲去鸞鳳翳五彩山中
有神藥服食少人採寄語浮邱公佇立以相待

次韻二首

昔者采芳草青春在中林三秀不竝世日莫生重陰霜
雪日已積萎穉日已深持獻雖無昔豈忘事幽尋齋房
夕受釐垂衣正思欽霏烟散熏澤薜艾非所任華英發

貞本靈占係同心錫貢幸未晚庭實生南金

微根抱山石薪樵本同科曾不中樽櫨將置崇構阿終
焉荷聖恩早休遂婆娑雪霜之所餘扶笻表垂蘿豈能
致佳士攜壺挂寒柯極目思遠道含情托清歌秋水不
盈勺白雲豈其多結枝待幽吹泠然送鳴珂

紀夢二首

夢見二三子被服皆古人雲漢盛履舄山河儼冠紳言
非世閒辭靈一作虛音轉彌綸反思昔遺遠浩蕩不可陳
睡覺日在樹空榻凝餘塵

東南多名山衰病嗟遠道夢中躡虛空黃鵠爲先導穹
林冠晨霞遠水澹秋昊似在喬松閒未覺黃綺老飢渴

非所憂清露滿瑤草

棋曰絕非食烟火人語

足痛吟寄費無隱

足痛不履地匡坐畏長傲令人讀道書聊以釋幽抱脩
身二不衰此事聞頗早涉世得憂患皆至遂枯槁茅檐
苦聽雨更愁妨穫稻分當長飢吟稚子忽吾惱盈約固
不齊受命自玄造東家種薯芋健步常爲討况聞東海
上旅生如瓜棗食之果不死所嗟在遠道親往未必能
詠言永爲好

棋曰樂天安命之作

歲寒吟

邑南有高山隱者浮邱伯弟子遠來求千載奠仙宅蒼
崖接天光旭日融五色永言託幽貞二奉明德
南昌昔高隱吳市遂不還茲土獨遺蹟丹氣畱空山噓
潤被草木含滋及蛸翮相望世云遠雲中還妙顏
蕭二松間雨夜靜殊未止青燈照殘書白髮隱塵几園
綺德不孤相持一瓢水如何在人境茅茨罕鄰里
棋曰昔人謂柳子厚南澗詩憂中有樂二中有憂愚
于伯生歲寒吟亦云

賦神蛙 原序

曹南吳生出神蛙相示玄石光潤其口目臂足
儼然如生脊有文點腹若容受蓋真蛙也不知

何自而化石焉有博物者能辨之
貞女望夫歸穹窿化山谷飛揚洞中燕遇雨貼石窟古
昔蟾蜍精千載得仙術虛吸元氣服絲渺值通息形體
雖尚存性情已非昔誤食至陰精返此太玄魄無乃書
契初科斗抱殘墨猶與筆硯交君子同几格幽光感星
宿靈氣生倏忽慎爾韞匱藏勿使蛟龍得錫圭神禹時
因之問河伯

虞文靖公道園遺藁詩卷第二

虞文靖公道園遺藁詩卷第二

古詩七言

雪山圖爲劉伯溫監憲賦

我家成都雪山東公家張掖雪山北吳船誰載鄭廣文
起寫崑崙界天白張掖雪融草木長禾生隴畝多牛羊
烽火連山擬樓觀江海微茫秋練光著書東觀夜如水
太乙燃藜照圖史從游冠帶文武備斐然四郡良家子
黃河奔流百谷盈神禹疏鑿中州平峨眉玉壘連雲氣
長庚北斗東西橫

天涯山歌爲崑山公賦

大鹵之虛山有崑彊晉名都古城郭太帝親征西極還

命總師千里鄴鄂三世專居二百年公孫御史籌帷幕
興言諫諍國體重抗論陵夷鄙夫忤九衢塵土迷白晝
萬里天風飛一鶚連山長城下平曠孤秀嶄巖自天落
安車夷猶奉王母咫尺天涯下旁礴振河載華坤軸穩
捫參歷井天梯鑿六合高窗竅空洞日月容光陰氣薄
春鬢翡翠擁烟霧秋水芙蓉淬鋒鏑東海漫愛華不注
西行不到秦關粵上方宮闕何所有回首穹窿起龍漠
天山舊音本雄渾孤鳳一鳴冠阿閣蒼茫石鼓難爲聲
野水寒雲不堪醉奉祀曾過軒轅臺俯仰高深歎今昨
汾波橫出衝黃流長感秋歌入寥廓卷石東南雖有聞
安得停車徧邱壑元姚自是一世豪若比公詩少揮霍

有詔無容極幽賞黃木扶胥求海若前茅度嶺建旌纛
後吹凌波雜簫籥馬飲清泉榕樹陰鴈隨飛雪梅花萼
退食委蛇幕府裘明月懸空夜城柝橫梁高吟動鬼神
轉鈞妙手隨斟酌坐令刀劍化牛犢夾岸鯨鯢貫蛟鱷
闔風玄圃在天外玉振金聲爲誰作雅歌緩帶有餘暇
直道高情無宿諾百粵皆知白水心羣魚莫恃黃金橐
國家將相眞有人中外均勞正參錯請開雲漢分天章
歸理咸韶奏嘉樂老夫當與園綺徒仰聽鈞天佇耕穫
鎮曰對仗整齊宮商排比亦正自不害其爲大家

謝王員外贈古銅帶鈎劍琫歌

金銅帶鈎屈螭首綠玉沈二世稀有古人佩劍之所遺

虛瑋尙疑光射斗腰圍老去忘繫拘空服書紳重有餘
奇哉二物君子贈敢與礪燧同縈紆古者弦韋皆有托
視我斷金庶無怍循二偃蹇長在手神化翻愁入寥廓
劍能使我無邪心握之在本用在鐔利鈍行藏兩無有
一寸空閒通古今他日東行尋禹穴何以酬之掇明月
白雲滿地歸去來不待傍人三千塊

無住和尚命俞岩隱寫予陋質予蓋簪纓家子
其意亦蕭散因作山偈一首戲贈聊發住公一
笑也

我欲自識面莫如鏡中真引鏡實有我卻鏡見無因俞
侯乃善幻作此意生身旁人總言似我亦愛其神但恐
年歲久不知是何人俞侯俞侯吾已老百事無能勿復
道幸自不會虧損他莫將塵影瞞人好

金人出塞圖

海風吹沙如捲濤高爲陔磧深爲壕築壘其上嚴周遭
名王專居氣振豪肉食湏飲田爲遨八月草白風飈二
馬食草實輕骨毛加弦試弓復置橐今日不樂心慄二
什二伍二呼其曹銀黃兔鶻明繡袍鷓鴣小管隨鳴靴
背孤向虛出北皋海東之鷲王不驕錦鞞金鍔紅絨條
按習久蓄思一超是昔晶清天翳絕駕鷲東來雲帖二
去地萬仞天一瞥離婁屬望目力竭微如聞音鷲一掣
束身直上不迴折遂使孤飛一片雪頃刻平蕪灑毛血

爭誇得雋頓足悅挂兔懸狼何足說旌旗先歸向城闕
落日悲風起蕭屑烟塵滿城鼓微咽大會要王具甘歡
王亦欣然沃焦熱闕支出迎騎小驥琵琶兩姬紅顴頰
舞歌迭進醉燭滅穹廬斜轉毘旣月

顧星五曰筆力駿健有風雨馳驟之執

九歌圖

太乙神君號東皇玉質么妙含和陽生二炁始通微茫
絲二蒸空神中央浮英上羅文天章覆冒下滿谷與阬
旁塞無閒靈無方靈來乘柔往乘剛湘君夫人鎮相望
清溫靜好無淫傷司命元老元氣昌手執藜杖色老蒼
歷劫受命不可量少君之壽同其長離無異體合有常

出入萬化終不亡晶明發晨上拊桑海天赫二真金芒
質鍊不滅長垂光河源混二流湯二伯也坐視無迎將
千古萬古何堂二彼幽爲厲爲強梁朝狸莫豹方鷗張
精魂熠耀志意荒招之不反巫無良屈生作歌沈九湘
世人傳聲罕尋詳祝融仙子調玄黃九神出圖百怪藏
不信請視虞生章

鎮曰離奇懍恍又復正直莊嚴謂屈大夫自作可謂
巷伯之刺緇衣之好亦無不可

送呂教授還臨川

原序

古者仕不出其國五十里百里而已入仕王朝
才千里而近無父兄妻子墳墓屋宅之別而有

祿食之羨車服之華豈不便適人情哉今國家
奄有萬國仕者視南交朔易若東西家然則彼
出入驅馳不越乎州閭黨術之間者不亦隘乎
呂君仲謙世居臨川之南山木鬱茂田毛易長
仰事其親俯育其妻子何嘗有意於遠游哉一
旦用薦書得爲遼東學官隨牒以行且萬里冬
裘不足以禦寒蔬腸不勝其恆肉雖志氣不變
然情能無少違乎僕願畱之館中而不可其歸
宜矣故作歌以送之

黃金作臺畱駿客二畱不畱秋月白西風落葉滿長安
卻賦高歌壯行色遼東之山醫巫閭六月五月雪不除

昨朝遣使降香去五尺冰上行飛車一作飛行車知君江上
慣舟楫快馬如龍亦徒設束取來肯一卷書還向江波
弄明月我本蜀人隨水來結屋與子相鄰隈白髮京塵
歸未得臨風相送黃金臺

鎮曰小序見得後世卑官遠宦之苦昔人所謂若有
良田美宅正無須此也詩不說破故妙

三鳳行贈海東之下第南歸

東之兄弟三人如鳳皇胸臆羽翮皆文章九年三人入天
門翔伯冲天季驚人一日四海皆知名東之二文五色
雲見者眩晃生眇昏三進三已之了若耳不聞二人得
之喜未足云東之不愠乃可尊束書江上歸見親君子

之樂二最真君不見匡廬之山嶢嶢而嵯峨左界乎豫
章諸川滙爲彭蠡其陰千源浩二導岷經潛沱山氣束
鬱不得去上衝爲紫蓋直與天相摩爲雲覆八極爲雨
漲九河海東之子能觀山以成德其進蓋未易量也偶
爾小詘奈爾何

戴和父歸越

戴先日飲五斗醉不得再飲一石不肯眠昨從桃源來
兩袖攜風烟長安市上小兒女拍手攔道呼謫仙馬如
遊龍花如雨蹴蹋春秋作朝暮東方不作窗閒戲上帝
還令海邊去海邊玉虹夜不一作何日收貝宮珠闕皆蛟虬
芝田玉樹久相待天上老仙那許畱戴先鑑湖之水三

千丈不可以鑑可以釀明朝便著錦袍去與爾酣歌采
石上

題米友仁長江烟雨圖寄柯敬仲

米家自在江頭住愛向長江寫烟雨長江烟雨萬里餘
書畫扁舟在何處古人翰墨今罕存好事千金安足論
憑君寄語丹邱子盍買青山遺子孫

吳中女子畫花鳥歌

吳中女兒顏色好洗面看花二爲悄調朱弄粉不自施
寫作花閒雪衣鳥綠窗沈二春晝遲半生心事花鳥知
花殘鳥去郎不歸風雨瀟二啼畫眉

楊補之掀篷圖

十年騎馬燕山道飛雪如花著烏帽清江不復泛扁舟
況見繁枝插晴昊楊丞拈筆寫江邨滿卷荒寒共郊島
金盤玉露錦成團胡蝶東家怨春早

王侍御崆峒石

惠符堂中有貞石一握玄雲出靈碧飛潤應能作霖雨
含光自可裁圭璧天根萬古磨不磷窈窕中虛藏谷神
願得微言獻天子千二百歲勤脩身

雪嶺馳車

七月八日山陰道積雪平沙沒深草三日餐冰渡磧遙
重載橐駝發車早當衡比二擁蒙茸王庭傳令疾于風
卻憐聚落在何國可以蹋歌駙馬厠居庸關南百萬里

春雨草青平若砥嚮非羊馬便高寒所不懷歸如白水

題上都崇真宮壁繼復初參政韻

故人一去宿草寒而我幾度南屏山琳宮素壁見題字
輒墮清淚如洞灣文章百年世何有如以鈍拙鐫孱顏
瞥然有感亦易散奈此細讀臨高閒沈思不見托魂夢
何異落月畱梁閒走爲麒麟飛爲鸞黃金作玦玉作環
重來豈無造化意今我白髮遲公還

城南春曉圖

天台先生有山癖臥起無山朝不食幾年騎馬聽朝雞
磊砢諸峯塞胸臆陳生受意不受辭竟拈秃筆爲掃之
旣安樓觀對奇石復著梁棧橫清漪遊吾舊遊釣吾釣

隔林彷彿聞黃鳥瓊臺何處無桃花此是城南莫春曉
夜來天子丹詔呼先生直上鑿坡趨盤二迴復一萬里
無限好山竝好水如從島上見陳生盡寫歸來玉堂裏

天台圖

天台一萬八千丈下視東海如浮杯金雞候鳴日月出
吞吐瀆洞聲奔雷白雲瀾二散飛絮鬪扇戴出三崔嵬
一一十翠撐拄三三五五瑤樓臺王生染白作蒼碧
回風御氣洪濛開古亭高卓盤石上橫舟白插烟林隈
老楓古檜立岸側云可自此登天台上無雞犬識邨落
況有車馬相喧歷我少學仙冀疾得首如蓬雪俄毳毳
臨風每憶坐忘叟深愧失腳無由回尋常夢遊如宿到

忽見畫本興余懷赤城仙人王志和爾家靈寶安在哉
人閒夢斷何足許存想終日勞形骸庭閒竹葉可舟楫
羽衣生雲歸去來

桃源圖

層巒複嶺何崔嵬流泉委注波無迴昔人尋源旣解往
孰謂後世無能來徐生採藥渡瀛海生人之資悉滂沛
汎舟一去不復還自是秦皇親爲載商於只在咸陽南
城中日二見晴嵐四翁採芝到頭白何人往問窮幽探
信知桃源隨地有自爲狂馳不同首莫向神仙詰渺茫
且對新圖玩春晝軒轅鄉裏眞固師果得脩身二不衰
年穀順成物不疵玄黃衣裳從委垂

豐州李氏孝義詩

沙中枸杞已成樹的皦丹砂飽秋露蒲萄滿堂閒鍾乳
上堂饌食有肥豸壯者已老少者壯蜂房各自開牖戶
此是豐州孝義門莫忘河南李家譜

龍興黃堂隆道宮西華太姆元君飛茅詩

原序

空同子竇君神清與予賦詩于天寶宮子有句
云一瓢春水煮仙茅神清曰噫子安得如此我
昔遊黃堂見石曼卿記不載仙茅始末願與同
志者詠而傳之不暇也神人將啓子而誘其衷
乎不然胡爲而及此也子應之曰彼夫容洞中
穠麗主者宜不察茅之味也非余孰當賦之乃

爲之吟云

昔日仙茅渡江水一息秋風五千里憑虛結根土長苗
黃古黃堂咀甘美潔清至淨服食仙不忍獨令身不死
折瓊載卜知吉亨連茹包之獻天子

郎官湖李白祠

原序

南郊黎侯景高歸朝三十餘年自至元中被命
驅馳軍旅勞績顯著後賜田江漢之上以居暇
日作安南志若干卷示不忘桑梓之邦閒嘗卽
郎官湖上修太白祠皇慶初元來朝大夫士多
爲侯賦詩者集亦繼聲

郎官湖邊太白祠百年毀壞誰顧之黎侯自是南海客

宋寞湖上看明月閒關歸國故昔心馬上鬢毛今是雪
春來幾見湖水清春去還看湖水碧今人蕭條古人遠
黎侯此皆淚霑臆臨湖作屋祠太白一日祠成人歎息
千年太白豈復存惟有長庚射西極光芒彷彿雲委蛇
黎侯起舞天爲泣鯨魚上天終不返黎侯惆悵坐成晚
君不見來兮那可期黎侯之心湖水知湖水波浪湖樹
葉風來總是迎送辭

金馬圖

原註人負金馬睡于馬上

賈胡自騎千金馬解囊小憩荒城下平原無樹起秋風
夢到陰山雪橫野太平疆宇大無外二戶連城無閉夜
不然安有獨行人懷寶安眠如畫者

鎮曰一結寓意

王晉卿畫赤壁圖

黃州江上霜月白蘇子汎舟攜二客虬龍虎豹木石閒
玉宇瓊樓歸未得主家遺玦珊瑚鉤丹青一幅千金酬
惆悵圖窮見黃鶴白雲千載空悠悠

柯丹邛畫松竹二首

丹邛寫松臨石湖一樹偃蹇一樹枯長年偃蹇色深黛
枯者鐵石宛相待令人最憶寒山子曾見松生此山裏
昔來石上自閒吟解聽天風半空起

江心石上起烟霧隨意琅玕寫無數就中欲覓釣魚竿
濯足滄浪歲年暮白髮天台鄭廣文前身畫師今更聞

請看翡翠三株樹猶是蓬萊五色雲

鎮曰俯仰揖讓筆致蕭疏如見高人勝致

陳容畫十四龍

所翁所畫十四龍雲海慘澹數尺中毫端欲極龍變化
屈信情狀無一同意冥鬼神造奇迹藝樹狗馬矜精工
徐生家藏隱溪上氣與古劍相爭雄春雨來昔屋壁潤
白晝坐對塵埃空持之示我爲歎息安得真見如陳公
我聞龍乃至陽精無有嗜欲靡羈籠昔年高士隱弗見
矯二衰世追冥鴻千載神明守震澤如見潛德遺空濛
澤盈出水作溪碧絲二孫子環爲宮石林幽洞難相識
獨倚桃竹懷高風

孫康映雪圖

千巖萬壑明積雪老樹長蘿挂孤月下
有老僧眠破廬穴隙窺書嗤凍鶻何如出門歷瓊田
翻身夜入通明天手把瑤筴招飛仙人閒畫裏那能傳

墨竹歌

南風吹雪盡成竹北圃老人寫羣玉枯梢不逐蛟龍化
密葉終堪鳳鸞宿數枝東出好兄弟楚二劍佩微聞聲
兩枝又如父攜子老者偃蹇稚者榮我昔西遊洋州驛
破綠燒粳嗅朝食摧殘僅同蓬與麻太守清貧那復得
羅山甘竹筍乃佳移根便欲從山家雲峰春嶺卽持去
爲我更作風枝斜

金源野人獻麀圖

紫蓋貴人何處來西風搖落郊原開澤虞獲鮮敢私取
下馬持獻披榛萊韞弓箠矢遽爲拜止轡受之貌閒暇
千里獨行日云暮熊邪羆邪在林野吁嗟麟兮人不知
卒然遇之慎爾爲

送人遊廬山

我愛江上之廬山二止不動江不還紫雲冠嶺危石古
白鷗衝雨春波閒浩然始見潯陽浦太白欲托雲松閒
河嶽蕭條二子死神靈恍惚千年慳昔我尋春入幽竹
有人抱甕深閉關遂從烏道陟高險一窺虎蹟聽潺湲
似聞餘磬開石壁恐是入化非人寰霜崖石櫃成異物

銀釵負薪多老鬢嗟我老病難再往羨子壯矯無畱艱
攬衣步出石頭渡解舟竟到星子灣沈吟三月烟花碧
眺望千里楓林殷猿驚鶴怨酬好語水流花開怡妙顏
束帶他年事朝請躡屐安得窮躋攀行矣此日不再得
空山落日騎黃斑

題虎屏

高堂白日靜如水屏閒於菟伏將起登車何用卜熊貔
鑄鼎徒聞走螭魅耽二仁威謝爪距蔚二文章著深美
君不見旌旗不動九關閉海晏塵清千萬里

陳容畫龍

陳容生閩嶠之東骨氣生硬如老龍每拈秃筆掃風雨

白寫其真非畫工曾爲吾家作雙劍采石波濤天下險
巴山昨夜春雨來素壁高懸戶長掩

錕曰秃筆白寫兩句所謂工意不工似也何減東坡
老人筆所未到勢已吞之句

題劉仲明鳴鳳朝陽操

鳳凰昔來何所緣堯舜聖明皋夔賢一鳴不再三千年
孤生懸崖命由天鬱繞霄漢纏雲烟虞淵浴日紅滿川
海波淘二下盤旋聲與律呂互相宣非度弱水游神仙
此製不省人間傳

題劉光遠琴泉詩卷後

長沙老人種桐梓手斲爲琴度宮徵彈得流泉石上聲

只有巢由能洗耳當昔誰與製此名前朝丞相賢公子
黃金不成白髮短聊以高情付山水公子飛仙老人在
目送歸鴻秋萬里老人有子前爲壽願翁千歲長如此
已將朱袖拂雲和更釀清泉設重几

立潭觀劍歌

新年風雨晝多晦解纜東辭白沙外立潭觀中有古劍
倚棹來觀鬼神會陰崖中斷如截肪立水泓渟受其隘
欲令開匣猶未敢惟恐雷霆走光怪至神不殺蹟已空
藏氣幽深欲何待孤蓬歸坐燈影微客爲高歌聊一快
鄰舟借具知有無擬掣寒蛟斫春膾

錕曰抱負不凡卽事成感其意興在語言文字外

書昔人出入西廣詩後

戈船將軍昔南下樓櫓衝波當車馬臨流橫槊昔爲誰
遷客騷人能賦者桂林近岢蠻獠息營帳酬功頗優暇
伏波銅柱高嵯峩路險難兮莫相嚇

送程楚公子叔賓官海上

世皇任使無南北楚公薦賢動江國當年臺閣多門生
富有文章動賓客世家貴遊少者佳祕書奉禮差可階
青衫莞庫東海上極目天津思汎槎豫章得君豈忘舊
引之清波一援手鶯花三月玉堂深共啓黃封賜來酒

送胡士則

胡君著書昔同館長日據牀運犀管功臣遺事動如山

小二聲名何足筭明光殿裏初進書紫衫束帶帽正烏
君王歡喜侍臣賀殿下風暄花萼舒是昔親賜蒲萄酒
激灑玉盃先入手承恩歸去各西東共歎文明古稀有
胡君名冠三十人傳詔與官顏色新寧辭闕下向田里
得祿斗升緣爲親頗聞山寺近官舍吟步長廊莫騎馬
瀛洲學士如堵牆新折琅玕待君寫

寄謝楊友直太守送桃竹杖

梓潼使君今南雄江心紫玉寄野翁扶持恐是蛟龍化
騰躍似與猿猱同十年乞身不待老鄉人飲酒歌年豐
憶昔校書在天上青藜夜杖蓬萊宮

寄薛玄卿

故人贈我漢岑鏡殘質剝蝕遺空明開奩照見白鬚髮
似是採芝商嶺生憶昔交遊盡冥邈耿二銀河曉星落
惟有瓊臺瀟灑人長嘯西風滿寥廓

題表兄子陳可立青山白雲圖

昔昔謝傅臥東山亦未忘情絲竹閒微風動塵車蓋合
白苧作衣團扇閒風流一去如秋草我思古人令人老
茂林修竹何處多雨洗遙山青更好

溪山圖

曉日朱方得玄鶴一直衝風上寥廓橫翔八表覽九州
下視山川閒城郭清溪縈繞千萬尋金銀宮闕檜森
商山紫雲何處好惟覺蕭臺秋氣深

畫龍

所翁畫龍妙當世神思已遠誰能繼陳家復見海珠君
也向毫端分近似越藤一幅瑩且完噓雲駕雨凌春湍
不知何歲因電掣破卷飛上青雲端

射虎歌

州人布矢如蒿蓬半夜射殺南山雄捲皮帶血送官府
割肉大嚼千夫同前日東家牛盡啗犬豕無遺人落膽
不知世有李將軍擊鼓報神聲坎坎

刷馬歌

天馬之來大宛國漢帝心馳渥洼域貳師兵甲費如山
毛骨權奇不易得世祖開基肇太平昔日大宛俱拱北

如雲之馬西北來飛控驚塵遍南陌豢養年深生息蕃
卽今詔刷無遺蹟青絲絡頭千萬匹戢二駢頭死槽櫪
一程瘖毒一程愁比到燕山肥者瘠今觀天廐十二閑
五花成隊春斑二監官喂養盛芻豆年二騎出居庸關
太平旣久興鳴鏑卻慮騎多藏凶奸駑駘盡從天上去
驂驪豈得畱人間漢人南人窘徒步道路相從俱厚顏
今我倦遊事休暇東家蹇驢行可借青鞋布襪取次營
正喜不遭官長罵鄉里健兒弓弩手詔許征鞍常穩跨
嶺南烽火亂者誰何事至今猶梗化君不見漢文皇帝
承平昔千里之馬將安之又不見項王一騎烏江渡到
死不識陰陵路

按弓圖

朔風蕭二沙草枯避暑南遷八月初貴人退食坐平蕪
白日皎二寒雲除左擎蒼鷹右韓盧手調繁弱矢滿壺
馬驕不受轡勒拘奚奴前執奔塵趨小者伏兔大於菟
上馬一擊將無餘養勇大發神氣舒徒御遠合獲不虛
首獻上殺當毘氈連車載橐來徐二大庖賜宴日未晡
蕭二笳鼓環周廬天子萬壽臣歡娛我昔歲從行兩都
每欲賦此嗟才疏江邨父老相攜扶數尺茅檐看畫圖
鏤曰扈從上京貴人校獵原野獲雉其樂可忘邪然
從江邨圖畫見得正白別有一段玉堂天上之感

題游弘道所藏劉伯熙畫

燕城建都將百年喬木往遼金前宮中屏帳愛奇古
每托畫手馳風烟房山絕筆高山老內府人家蹟如掃
畫苑今惟劉伯熙白髮承恩偏最好西山古寺劫燒餘
斧斤所赦遺殘枯久經霜雪如鐵石膏沐雨露還扶疏
一夕書帷侍清宴有詔伯熙寫畿縣偏圖形勝到巖壑
直榦交柯每盈卷游侯侍從自當昔閣下庭前屢見之
朝衣佐守南海上袖卷龍髯雷雨垂高堂風動海水立
江嶽驚奔鬼神泣禁直岵巖堯翠蓋高誰識行蹤露華溼
徂徠新甫何足攀巴邛正似青城山人閒彈指千百歲
大夫與我俱蒼顏

汪華玉所藏李息齋古木竹石圖

帝城佛刹西南曲數仞高堂十尋木亦有幽篁春筍生
顛倒橫斜亂寒玉空庭月落蛟龍舞阿閣雲閒孔鸞宿
大惠年中最熙洽四海無虞年穀熟聖人護念如慈雲
粉金寫經五千軸吳興先生承詔起精藝東南遂空谷
橫窗曲几擅清雅寶氣龍香散芬郁我昔布衣初到京
隨客來觀嗟不足棲遲至大到延祐墜緒遺經蒙見錄
聖明天子心廣大仁孝東宮協淵穆金殿朝回卽薦賢
鳴鳳高梧麗晨旭白頭寺主愛文學遊龍流水來相續
黃鸝遶樹鳩喚雨晴絲入戶階眠鹿中書宮府政多暇
況復西清澹春服薊邱李公年甚高親寫篔簹掃殘禿
南風堂上佳日多好聽晨鐘赴僧粥枯梢長葉風雨來

老可黃花俱眷屬揮毫相軋李河東共席房山渺江陸
曹南老商亦有名拂素先傾酒千斛蜀人仲淵不會畫
側帽長吟動華屋蹇予冷換從諸公兀然坐隅若黃鵠
風雲月露不計豈聚散悲歡歲年促汪侯何處得此圖
其長丈餘高尺六松檜蒼茫轉樹腰鐵石峩峩偃山腹
昔人不見今人老空憶臨風對森矗後來把筆誰最能
閣下丹邱歎幽獨令渠見此會傷神況我茅檐指病目
文章精彩寧復還天上華星光煜二

鏗曰數十年朝廷太平文人墨客風流閒暇俱借圖

卷形容出來感慨係之

題寫生手卷贈李道山赴九江茶官

春叢何窅窕翠竹啼幽鳥秋實結甘酸溪鳧倚暮寒後
日歲復歲盛年不畱老將至湖上新亭早晚成可以供
釣可以問耕看花食實老孫子擊鼓撞鐘歌太平一官
黃蘆苦竹閒琵琶船外月團二故人寫生拂瑤冊恐有
離愁不足惜匡廬山高好秋色歸持濃黛作修眉窗下
連卷數峰碧

趙伯高所藏楊補之松竹梅圖

卉木何情同歲寒君子合竝嗟獨難冰霜滿地風景異
清脩古節來毫端南渡衣冠憶初合桂葦蒹葭總蕭颯
長身玉立古顏貌欲選疏英變殘臘西都昔者畫功臣
良工健筆隨風塵尺書黃髮共來往誰見畱侯如婦人

江上幽人有真迹
俛仰興亡寫今昔
邛園偃蹇非不多
獨抱冬心淚霑臆

鍾生清露軒

江西諸侯好賓客
彈鋏歸來無愧色
學舍如舟安足居
白髮秋風岸高幘
鏗爾舍瑟還讀書
上天繁露垂庭除
河清有頌芝有曲
爲我長歌傾玉壺

與族孫從善

白頭喜見族諸孫
清門爲庶夫何言
成都桑柘日已廢
儘有遺書堪討論
風花寒食江上路
墟墓興哀慚一餐
憐爾篤實可進學
竭力孝敬思生存

虞文靖公道園遺稟詩卷第二

虞文靖公道園遺稟詩卷第三

律詩五言

出小東郭

問訊成都宅還過
萬里橋鄰牆皂莢
樹官路綠楊條部
曲都無在茅茨忽
見招滄江沾白雪
盡爲夢魂銷

望巴山

巴嶺對秋屏依稀
泰華形雙尖天際
碧一色雨餘青牙
纛穿行帳旌幢接
降靈南昌漢昔尉
招與步空庭

次韻葉賓月山居十首

冰泮溪流碧雲生
島嶼紅輕陰殘夢
裏遠樹亂愁中鷗
外兼晴絮鶯邊共
晚風地偏山氣近
霏靄溼房櫳

落日亭前水翻風雨後荷翠簾留薄醉羽扇按清歌影
淨鷗千頃涼生一作深蟻一柯扁舟成獨詠詩思尙能多
露冷天光逼溪澄夜影圓水花含窈窕山吹極清懸爲
覓洪崖侶重尋赤壁船翻愁孤鶴外迴互萬山連
歲晚冰生壑山深雪擁肩清齋須杞菊甘餌足淺苓水
繞階除白杉依石室青寒雲麾不去晝影舞虛櫺
綠瑣相依潤細簾亂蘚斑吹笙花下散飛燕雨中還有
客歸謀酒無言臥看山春禽忽相喚深樹兩關二
綺疏收易卷紫盃罷分茶日暖聊行草風微好看花行
窩君子宅懸榻故人家遠勝騎官馬聽雞趁早衙
霜林收碩果雨檻臥幽芳畱客山泉枕分題玉井牀衣

裘凝薄冷戶牖宿殘香未信成都宅風流獨草堂
隱几風檐竹詩成酒病蘇楓屯雲錦陣梅折海濤圖翠
袖開筵出華簪折簡呼移舟速相就玉膾斫生鱸
簡冊驚前夢文章付後期賞花肯命駕愛竹屢題詩小
草顛尤勝深杯醉不辭交遊傾四海風雨夜吹篴
風日宜芳歲烟霞樂燕居坐深閒看弈燭冷靜修書臘
醞紅生玉春盤綠閒蔬但須門有客不問食無魚

名酒

名酒不可得幽花誰送來秋霜垂鬢髮夕照在樓臺盡
日山公醉何年庾信回喚人吹玉笛移席坐蒼苔
南劍無疑先生不遠千里訪集于宗實之濱曾

未旬日賦詩畱別雖無以款未忍從也次韻且致繾綣之私

養親無復日不忍愛遺生一客獨高義千山致遠情烹
魚供漑釜秣馬候歸程從此延津路應將問耦耕
酷暑秋仍熾幽花晚自香誰將百年意共付一窗涼事
業青燈舊心期白髮長山林儘迂闊江海正蒼茫
望氣秋橫劍分光夜續燈寒梅不鬪雪春水盡融冰座
與賢人對門從稚子磨鄉祠應合樂豪傑若爲興
薦書慚不用空復意憐才共逐雙鳧去誰飛一鶚催鼎
彝文字在几杖見聞來明詔求遺逸蒲輪孰可陪

題平遠趙公像

將相先生業江湖早退翁丹砂畱劍客琴韻答天工喬
木荒烟合幽蘭宿雨同羅浮與衡嶽猶想遇冥鴻

題疏齋盧公像

持節江湖外吟詩魏晉閒長庚垂野迴病鶴倚秋閒玉
局謀堪戀金鑾遂不還春來無宿草點二涿州山

和吳宗師韻題朱本初藏秀樓

世傳垂紱裔蚤作采真遊引月池邊樹呼雲鶴外樓河
圖畱信史洛頌載歸舟無限吟詩興西山對九秋

和龔子敬竹亭詩

萬竹尚書宅高亭表素襟扶持自遠大臨眺極高深風
露兼秋色梧桐共晚陰惟應有棲鳳餘韻寄瑤琴

次韻馬伯庸少監

仍歲從巡幸山川識重臨講帷來濟二馳道正駸二殘
月衣裘薄諸生坐席深歸耕何待老莫問二疏金
移蹕宮城曙烟花繞閣重來王俱屬籍稱使不傳烽賜
席還親問囊書更手封恐煩宣室召視日轉蒼龍
臣甫多愁思長歌拜杜鵑鑿岷通閣道積水放樓船惆
悵霜橫野栖遲雪滿顛經行看宿草碧色自年二

錕曰臣甫一首沈鬱雄渾五律之最有興致者

太平知永日漸老惜芳晨論說慚孤學推揚負相臣退
思常感慨拜賜每逡巡郊藪多閒地餘生託鳳麟

題趙繼清詩藁

禮樂三千字才名二十春綠樽清坐客朱紱苦吟身海
日香浮樹淮雲暖近人同年多要地早晚接朝紳

題草亭

春雨夜鳴屋曉來青草生暖熏初舞蝶香近更啼鶯裁
翦成書帶褰紉結佩瓊自非邵處士休放小車行

錕曰發端十字妙極自然

奉別阿魯威東泉學士遊甌越

憶昔同經幄春明下玉除挂冠俄去國連舸總盛書笥
脯嘗紅稻蕘羹斫白魚莫言江海遠咫尺玉堂廬

寄白雲閒公講師

古寺白雲閒鐘聲竹樹閒唐詩畱屋壁蜀道憶鄉關橘

道園遺集卷三
四
霜前送袞袞雨裏還重逢三十載刻石玉遮山

書趙節度建炎誥勅後

義旅趨京國危城藉宿勳山從官位改世以故家聞誥
勅遺先代圖經補闕文淒涼寶劍贈元自茁將軍

讀王伯儀參政中山周氏賑粟詩感歎遂賦

不作三年畜聊哉一日安素封能自富紅腐宰相完東
里難為惠春陵謾永歎信知麟趾意秩二寓周官

次韻劉伯溫送王止善員外四首 原序

集今春與止善員外約三月致仕同遊武夷既
而聞其扁舟江上遂不及與之別監憲學齋公
送以五言律詩三章七言律詩一章遠蒙錄寄

不勝慨然蓋公之所賦所以激清風于古道發
大雅于儒林止善平生遂有見于久遠所繫亦
大矣輒次韻四篇追寄止善亦以頌公之盛德
拙陋不工錄呈愧竦一笑幸甚

公門無俗客相識已經年歸有廉車送人知國士賢詩
隨官事少身與盛名全省署居清切何曾種秫田
衣冠懷故老翰墨送初筵老有詩囊在家從室罄懸詎
知清淡興不賦武夷篇千仞西山雪高情獨爾賢
攜詩山寺讀深夜接猿吟秋水銀河影春雲錦瑟音尊
前思北海世外愧南金禹穴堪尋否涼風起夕陰

附七律一首

故人歸去甚清華，公有新詩在小車。
天外秋聲先雁陣，雲邊清夢過蜂衙。
未尋舊宅山陰竹，更憶玄都觀裏花。
擬敘別懷題紙尾，日昏書字愧欹斜。

題黃思謙所藏雪窗蘭

澧浦多芳草，微風翠葉長。
墨雲開劍戟，香澤近衣裳。
書帶垂瑤簡，葱珩委玉肪。
同心誰可竝，芝本產齋房。
手攬華鬢結，化為樓閣雲。
幽人移近坐，天女散餘芬。
九畹春光動，三湘曉色分。
凌波送羅襪，誰是鳳毛羣。

送董生赴仙居尉

黑髮仙居尉，青山解賦詩。
海邊迎日觀，花底詠風漪。
臺牖多先友，詩書卽吏師。
勤廉須自力，慰遠故人思。

寄段惟德副憲

縹帡雙溪上，寒梅照鬢華。
臨風懷鳳閣，蹋雪憶龍沙。
夜訪山陰竹，晨餐海上瓜。
白嗟畱滯久，欲繼使君車。

酬崔御史送熊掌

熊掌來東國，分甘到老夫。
鸞刀寒斷節，翠釜暖柔膚。
兔脫中山醢，魚藏丙穴腴。
藜腸渾未厭，玉食恐嘗須。

題全平章所藏竹石圖

江水兼天碧，篔簹滿谷生。
靜和春雨重，動挾晚風清。
投策看龍躍，裁笙學鳳鳴。
千年倚磐石，君子表幽貞。

周彥文野泉圖

舊邑成新隱，山泉喜發蒙。
涵谷常不溢，挹注詎能窮。
豹

飾山光潤龍眠石氣通還應化春雨爲澤豈言功

遠法師圖像

地淨緣心靜空眞卽性眞白華無垢足金色化生身幽
鳥峇二現山花日二新願同陶處士相見過溪頻

虎溪三笑圖

入社心無適過橋迹漫存自嗟機事失空與畫圖論白
羽秋風靜黃花夕露繁詎能隨眾笑我正欲無言

贈堯公開講番陽

法席初鳴鼓龍天已滿空花飛檐外雨旛動室中風寶
氣來天上金聲振楚東點頭無數石應是禮生公

用唐綦母著作韻送閒白雲長老還吳

凌空一錫歸幾日到禪扉野橋陰垂戶天花影上衣井
牀春露淨檐鐸午風微三藏都看徧相思夢欲飛

重用韻贈閒白雲上人

歷二唐朝寺松關幾易扉花交珠樹網苔長石人衣秋
水依空淨晴霄映日微白雲無所住天際爲歸飛

寄吳宗師

花發上陽紅宮袍醉晚風題詩酬怨鶴寫信寄飛鴻聞
闔天光上蓬來海氣中松聲一雨疊峇寄看雲翁

米元暉山水

耆舊襄陽遠新詩問水濱苔磯垂釣久竹院訪僧頻書
畫晴虹夜衣冠怪石春由來多健筆俱不寫紅塵

雙駿圖

真駿不受羈衝風忽競馳雪翻兩足練塵引一編絲國
士不竝世神龍難力追故應雙劍氣昨夜起天池
鎮曰五六感慨

步雪圖

白雪深無際蒼松近有關謝公穿屐去陶令荷鋤還鶴
舞千瓊樹猿吟萬玉山若非有仙骨誰得此清閒

蹋雪圖

送遠冰橋滑山高雪逕深乾坤無異色林壑有幽尋玉
樹連雲起風泉落澗沈斷流無刻棹何以識山陰

題黃太史書老將行

因觀老將行壯氣酒邊生健筆凌雲起長歌帶雨鳴藏
鷺歸浦迴瘞鶴入江清最憶青神路寒泉動世情

周德尚見訪

烏帽吟肩聳黃花倚榻閒詩成風雨外劍動斗牛閒晝
宗鷲啼樹春深竹滿山欣然聞好句多病愧柴關

城山閣

最愛臨川郡城中自有山雲邊開翠牖日上擁青鬢酌
酒爲親壽藏書待子還仙翁重相許可以樂高閒

挽胡伯恭令尹

孔明雖少食安石自高情九藥黃鸝曉煎茶綠樹清劣
能勝束帶俄復寫懸旌絲竹東門道淒清忍重行

進園遺集卷三
八
歷二言爲教湛二職有思誰能迎刃解真若治絲爲閱
世佳公子持平老吏師詔書詢守令空復薦章馳
昔喜文書簡人知縣道尊府君初在殯巷哭欲連郵競
渡哀魚鼈安居念犬豚小民猶識此遺愛豈空言

錡曰循吏

題劉昇卿崇軒

名園當郡右峻領視山陰鐘鼓清昔迴鶯花列屋深臨
池春洗馬對雪夜鳴琴監宅多王謝高軒每共尋

覺非齋

今日非昨日始覺昨日非龍光揮利刃鼠穴絕餘機
業收新効身心發妙輝空言成自誑何日聖賢歸

題南禪寺壁

南禪住北峰林影動秋空畫意聲塵表吟情水觀中
幽叢收墜露老穉下微風不有維摩詰誰能丈室同

送長老住山

持衣入祖寺彈指寶樓開白日交蛛網青山入鏡臺
散花天女下行雨海龍回應是翻經罷諸天送供來

送憲史武子宣

建鄴多名勝前朝自汲來車書逢盛日簪紱見英才
撒棘秋闈散拈花畫殿開修能兼積孝令譽稱烏臺

贈簡天碧畫士

千仞青山裏和衣坐石苔看雲爲雨去遠水挾風來
春

盡揚雄老秋清宋玉哀故園誰賦得空對畫圖開
雲氣連山動松聲夾雨寒抱琴穿竹逕畱棹倚江干夕
照歸神女春陰帶錦官此生舊同里偏解寫潺湲
鎮曰兩首發端都可作畫讀

新作暖閣望陳溪山不至

白雪滿虛空春生一室中明窗塵帖二圓鼎氣濛二梅
萼猶緘綠椒花欲獻紅誰能共來往惟有太邱翁

正月十一夜坐

春雷殷戶牖霽景夜沈二晚得隱居趣靜知生物心佛
燈依坐轉山月照林深老病都無睡詩成聊自吟

暮春溪上作示涂振鐸

人向山中住閒來上釣舟攜將青竹杖吟過白蘋洲稚
子休相覓衰翁更少畱東風吹雨起移泛屋西頭

用趙壩韻示次子延年

治生先務本爲學必成章念爾磨門早無能韞匱藏詩
書家世重師友歲年長尙念鳴陰鶴輕毛戒遠翔

天藻亭壁下生二笥示幼子翁歸

舍下生春筍兼旬丈尺高爲開鴛瓦脊放出鳳池毛覆
屋通雲氣衝樓樹節旄連年雙碧玉聊記一揮毫
墓田雙瑞竹遠報謝卿僧江上歸無日山中見未曾簡
材生屋壁玉氣近書燈茅舍秋風捲衝霄喜有朋

到寺

到寺無僧住鄰翁立暮雲喜逢新過客爲說故將軍野
水寒先涸殘鐘暝不聞欲知何代建然竹讀碑文
錕曰詩若不經意而荒涼之境可掬

夕照

夕照散餘曛氤氳見物羣斗杓垂野迥空影界河分會
弁懷瞻洛樓船憶祀汾荒邨閒艸木隨地有浮雲

移柴門次韻薛立卿

老寄池邊舍新移竹外門高人知獨樂妙語遠相存衣
食隨年歲文章付子孫惟求園綺輩白髮共清尊

答易小雅送商陸根

商陸經年覓春深幸見分廝同黃獨雪坐對白花雲蕩

木資芳澤芝蘭競宿熏道家空作脯寧與筍蔬羣

織錦迴文詩

宛轉千蠶緒綢繆一寸心文章遺彷彿情識墜幽沈春
日關雎意秋風蟋蟀音文園空解賦終愧白頭吟

錕曰別有諷刺

題畫馬

房家千里馬寫出渡江岢烟霧連城起風雲六月馳尙
方催進馭勇士不能騎苜蓿成秋艸空寒太液池

錕曰五六健甚

贈上清高士吳霞所

玉殿辭巖直匡廬覓重遊喜逢飛佩客同上釣魚舟圖

畫龍鱗溼衣裳鶴羽修松聲過溪好爲寫素絃秋

題春塘謝公程文

科第因肯重人材致力專文園尋舊橐魯壁獲殘編青
紫空遺憾蟲魚更別箋運隨麟狩盡宴託鹿鳴先獨斷
絲今聖賓興自昔傳詎聞深美意竝世一陳前

次韻蕙畝遊何氏莊

至治初元日高秋大有年結廬思近竹賜炬憶分蓮昔
有乘軒者眞能脫屣然明肯謝簪紱晚歲事林泉擬踐
前賢蹟還從隱者旋振衣千仞表招鶴萬松顛絕磴容
飛步清流任枕眠隨緣寧擇地知命敢違天種樹畱桃
核觀花覓藕船詎知無勝事可以繼高仙

次韻貢仲章題城南書隱

南郭浮沈過西山臥起看雲深開徑晚日落閉門寒食
菊收叢束除瓜抱蔓蟠海圖龍彷彿山鼎翠嶺岼十載
孤茅屋三秋一弊冠舊遊迷去駱衰夢失迴鸞愁絕烟
銷玉吟成月墮盤清尊畱客易白髮向人難忽二吟雙
樹肯二共一簞子孫長有待垂老共盤桓

題秋山圖

峰迴畱深隱天清襲素袍棲深斷人蹟遊目送鴻毛樹
挂栖厓鷺藤懸飲子猿龍眠石澗冷虎撼樹根牢木客
吟肯共山樵弈處遭浮雲過水盡孤月挾霜高羽使來
三島胎仙舞九皋左招玉斧飲右攬赤松邀空色收寥

遺賢遺集卷三
十一二
廓虛聲起繹騷彈琴遺古散載酒棹輕舸遂向圖中見
誰能世外逃乘槎幾月至一泛九秋濤

哭熊昶之

居官常獨處論事每平心獄用春秋斷囊無暮夜金家
園聊伏臘江路足登臨名酒應常得幽人亦重尋築堤
行冉二修社坐深二環堵書連竹空林月照琴四年嗟
契闊千載入沈吟陶令餘瓶粟黔婁正斂衾孤兒承薄
祿苦節奉遺音白髮秋多感青山夕已陰敦廉猶可望
虛僞庶能箴郡乘誰傳信來車失所欽

鎮曰伯生五字律詩音節諧鬯平易近人絕似白香山長慶集中諸作其受福獲名亦差與相類爲一代

傳人非偶然也

虞文靖公道園遺稟詩卷第三

虞文靖公道園遺稿詩卷第四

律詩七言上

代祀西嶽答袁伯長王繼學馬伯庸三學士

紫禁沈_二曙色低奉祠羣使已班齊承恩歸院迷烟樹
乘傳開關蹋雪泥蹀躞共憐騎苑馬逶迤不若聽朝雞
山川有事寧辭遠咫尺成都在國西
棧道年_二葺舊摧已將平易履崔嵬經行關輔圖中見
夢戀鄉山馬上來諸葛精神明似日相如心事冷如灰
重思親舍猶南國願托江波去卻回

鎮曰精心結撰以和平調出之彌覺名貴

自仁壽回成都

還鄉思速去鄉遲王事相縻敢後期里父題看出壁字
山僧搦送捨田碑胡桃邛竹南方識盧橋枇杷上國知
此日君親俱在望徘徊三顧欲何之

題王庶山水

蜀人偏愛蜀江山圖畫蒼茫咫尺閒駟馬橋邊車蓋合
百花潭上釣舟閒亦知杜甫貧能賦應歎揚雄老不還
花重錦官誰得見杜鵑啼處雨斑斑

張道士蜀山圖

碧玉參天是蜀山舊曾飛度歷孱顏松風上接空詞外
蘿月長懸合景閒試劍丹崖秋隼疾濯纓清澗夜龍閒
君家虛靖歸來日冉二蓬壺爲憶還

范文正公書伯夷頌

原序

伏承主奉范君示先母詔及文正公手書伯夷
頌令集題識仰惟前賢爭光日月不敢妄有贊
述輒以鄙句奉謝用表愧二景慕之意云爾

慶歷元臣細字書清風直與伯夷俱潞韓竝識何春雅
秦賈爭藏寶巖汗神物護持天愛寶子孫驚喜海還珠
敢以微塵讚喬岳願推餘砭及頑夫

企仰前賢歲月深阿衡事業伯夷心義田猶是當昔祿
遺像能令百世欽竊誦詩書求彷彿默嗟人物轉銷沈
誰人浪漫矜家世看取天平萬石林

拜歐陽文忠公遺像

知公難遇已當年況復瀧岡十世阡金石舊藏存劫火
丹青遺廟祀鄉賢終身未必慚韓愈作者誰能繼馬遷
鳴鳳不聞驚歲宴長懷清潁一茫然

棋曰五六十四字惟六一居士足以當之

從兄德觀父與集同出榮州府君宋亡隱居不
仕而歿集來吳門省墓從外親臨邛韓氏得兄
遺蹟有云我因國破家何在君爲脣亡齒亦寒
不知爲誰作也撫誦不覺流涕因足成一章併
發其幽潛之意云

我因國破家何在君爲脣亡齒亦寒南渡豈殊唐社稷
中原不改漢衣冠温二雨氣含殘壁泯二江潮擊壞欄

萬里不歸天浩蕩滄波隨意把漁竿

棋曰愴歎家國抑何忠厚

興聖宮朝退次韻袁伯長見貽是日上加尊號
禮成告謝集卽東出奉祠齋宮

翠蓋重二寶扇斜從官穿柳散慈鴉過宮路遠天紆步
上壽杯深閣雨花玉貫兩虹通象錦衣成五綵鍊雲霞
奉祠東出蓬萊道春水鳧鷖蹋漢槎

朝回和周南翁侍講韻

三十六竿吹鳳凰九重春色絢天光卿雲微動旌旗暖
湛露初晞艸木香貝葉神師東度嶺金輿馴象北浮洋
小臣職在歌功德拜手陳詩對日長

輓歌辭

中天太白貫晴虹頃刻龍飛返上宮萬國共賓陽谷日
小臣忍抱鼎湖弓潛邸回首金山遠顧命傷心玉几空
聖主已頒哀痛詔蒼生有淚洒西風

和李秋谷平章小車詩

雪晴宮草隱晴沙相國朝天試帝車班馬晝移温室樹
鳴鸞晨度掖垣花褰帷每命賢俱載趣駕頻煩使至家
此日龍門誰執御擁經正履待京華

送朱侍讀南歸

喜子南歸盱水上經過爲我問臨川幾家橘柚霜垂屋
何處蒹葭月滿船應有交遊憐遠道試從父老說豐年

寒機早晚成春服一一平安報日邊

錡曰因送人而懷故居想見華省清要不能乞身之
苦

送李通甫赴湖廣行省都事

黃鶴樓前江水春江花飛接渡江人日長青鎖文書簡
雨過滄洲杜若新應共庾公揮扇坐每尋崔顥賦詩頻
三公舊掾多爲相行見迴車載繡茵

答周伯輝

翔鳳

白酌宮壺醉曉霞望中鴻鵠盡天涯故園賓客千金賦
飛燕風埃百姓家上國春深花滿眼河陽市上果盈車
古來鐘鼎多憂思待得人閒兩鬢華

伯輝北山堂
北山有萊中作堂樂只君子不可忘紫氣常占少微下
壽星今在長沙傍佳哉競秀五男子少者遠客諸侯王
執筆題詩嗟未敢杜陵之祠烟樹荒

柬鄧善之

山雨不來喧靜夜江雲獨爲護晴朝一羣青雀牆花老
幾箇黃鸝苑樹遙何有深心期管樂獨無高步接松喬
未能徑去成飄忽且可相從慰寂寥

用退朝韻奉懷伯長試院久別

藝闈羣策手封斜徧閱縱橫墨溼鴉拜賜頻酣千日酒
思歸盍惜少年花此豈吟詠齋宮曙同是瞻承絳闕霞

想有小團分學士好將新水試浮槎

送高尚志下第歸江西

清霜木葉水多灣知有荆人抱璞還龍擁湖波迎月下
豹乘雲氣候林閒殺青漢簡三冬足生白虛齋一日閒
會望斗牛尋寶劍春朝佩入紫微垣

題李道復所作艾全真乃父公墓銘

道人何事京城中擬託斯文壽乃翁萬里烟塵唯兩屐
一豈製作見羣公江湖所過蛟龍識金石他年物怪通
我憶廬陵多舊事瀧岡阡樹足秋風

次韻柯丹邱見寄

春去林園百艸生千源流漲在山清心期自與浮雲遠

鬢髮新如積雪明白苧寬裁無束帶黃冠小製不垂纓
故人相見那相憶但聽橫空鶴數聲

丹閣岩巖地最親頻年染翰侍嚴宸九疑鳳去荒烟外
三月鶻啼野水濱日落賈生將去宅江迎庾信獨歸人
五湖不遠閒身在扶杖風前詠暮春

今代廣文眞畫師蘇州把筆更題詩白雲遠海意蕭散
明月滿樓光陸離積妄已空前日夢清狂那憶少年豈
老夫獨感深相慰盛德加飡報祝規

眉菴自賦

新春名字合更新偶託眉菴作主人本不求妍何用妬
從來無悶豈教顰曉對遠山烟冉二晚臨流水照鄰二

成都畫手應無數憑仗他年寫得眞

憶自當年學畫眉畫成何意望人知鑒觀水影眞無媿
接對天光豈有私獻笑詎隨桃灼二效顰應許柳絲二
菴中妙用何聞見未及東風賦紫芝

次韻寄謝魏雄卿錄事表兄

短棹移家竹樹東曉鬟擁翠夜燈紅誰爲重客投邛令
徒有高堂舍蓋公白雪上鬚無藥染絳霞盈頰已樽空
憑君莫笑黃花冷自有清吟與客同

和僕世南除西臺御史

鳳池共愛十年身一榜今爲七諍臣識字觸邪誰與敵
讀書知律自能神關中多士遭逢盛輦下同年聚散頻

萬里玉門歸控制向來投筆亦儒紳

遊岡子原呈王學士

岡子原頭春色濃小車晨出看東風
雨餘林潤人烏好日暖平沙我馬同
西引峰巒來座上東瞻樓閣起天中
詠歸莫作恩二別邂逅相逢擊壤翁

次韻寄元復初

木落天清悲素秋故人何處海東頭
尊前夜月仍畱戶天際浮雲重倚樓
影靜梧桐餘倦鳥眼明洲渚自輕鷗
人生會合真堪惜長憶春風從兩騶
黃梁夢覺人千里白壁歸來月一缸
尊酒幾曾忘北海東書無路到東窗
臥龍宛二冰生壑飛鶴翩二雪洒江

無限心期總寥落秋風烟樹引歸幢

次韻馬可山人見招

天意茫二故可知無端感慨又先之
百年開濟輸前輩萬里登臨在此豈
袖手看雲歸去晚舉頭見日坐來遲
忽聞八月靈槎到欲及西風理釣絲
愛此高槐十畝陰偶來相對理瑤琴
江湖有夢扁舟遠風雨無人陋巷深
濁酒竟成終日醉花枝聊學少年簪
若爲後死乘雲去爛漫銷除感物心

次仲章韻

日射飛塵下界昏遙瞻積翠是君門
鳳鸞天上今何夕雞犬雲中第幾邨
瑤草無人能遠寄玉書有道可長存

晴虹東去連滄海儻遇安期與試論
深屋古仙雙碧眸淵二玉色象春浮上方烟霧日千變
清晝風雲肯一遊傾耳風濤惟立鶴迴頭塵海不藏鷗
飛二幾欲吹笙去千歲歸來恐更愁

無塵道人

雲霧爲衣月作裳天壇獨自禮虛皇龍收古劍沈秋水
鶴識神丹起夜光金井有聲惟墜露玉階無色乍凝霜
無端下界松風動又欲飄然跨鳳凰

和上都華嚴長老見寄

講帷秩二退晨朝咫尺東方寶月遙湛露甫承天子賜
慈雲還赴梵王招毗耶一日香薰普瀛海千年貝氣飄

白髮故人非玉局敢將詩句答參寥

上帝曾承絳闕朝屬車日向寶城遙生公屢講中邊味
宋玉空吟大小招梵宇千重隨鏡現天香八月向風飄
手開樓閣能來往常候晨雞碧海寥

和斷江恩上人綠松見貽之句

誰將古色伴幽蹤百尺長松對一翁子落雨餘棋局在
影搖雲際水瓶空倚藤老大何惆悵覆地陰涼待鬱葱
挽著萬牛須晚歲手開樓閣五雲東

題了堂悟上人溪聲閣

破衲歸來閣倚坡池開半月引泉過蒼龍入鉢斂飛雨
白象卷湖吹碧波宴坐不眠花遶榻飛行無蹟竹當阿

廣長舌相何惜了未覺遊人一偈多

賦松濤齋

曾遊海上聽松風積雪千峰水湧空細若鳳節雙嫺二
雄於鼉鼓萬逢二玉堂夜直蟾光裏銀漢秋橫劍氣中
欲截斷槎乘浩蕩兩樵相對此皆同

賦雪洲

江上經年積雪多長洲化作玉陂陲舊昔射虎迷蹲石
薄暮歸漁認擁蓑河伯作宮龍獻璧湘靈遺佩鳳停梭
鳧鷖容與江花發更待春來生綠波

送茅秀才歸茅山

茅君兄弟茅山裏幾代曾孫骨尚清傳得玄經還自讀

餌將蒼朮不須耕鶴隨雲氣來金闕鳳合風聲度玉笙
爲問玄都老仙伯書來應許學長生

寄馬叔惠福建僉憲

荔子枝頭火齊紅高堂紈扇坐薰風湘筠簟冷魚波合
海柏梁深燕雨通絡緯豈知秋袂薄屢屢長憶晚飧同
禁城來看花如錦誰道清霜解惱公

奉元王氏孝義詩

陰二榆柳蔭韋邨中有烏頭孝義門耕織事均家益瞻
總麻親盡義彌敦蜜蜂日暖開窗巨慈竹春深長子孫
先世此邦嘗賜履爲歌遺俗卻銷魂

贈張志甫八十

身閱昇平近百齡顏如玉雪鬢如星遠移湘竹堪扶老
舊種蒼松已茯苓頻見大官躬致饋早令掌故口傳經
古來名士多肥遯興徧題詩歷下亭

送張道士危亦樂歸臨川

有序

予寓居臨川三十年而隨牒京師之日過半愛
其山水明秀而未盡遊也喜其風俗馴雅而未
盡觀也樂其人物修整而未盡交也然視臨川
則爲故鄉矣以其視之也切固其懷之也深故
見其人則喜遺其人則若失亦人之情也況爲
賢者乎驪塘危氏臨川之望族文學雅正之士
世二有之故予所謂不得盡交者也亦樂危氏

之俊彥也學道上清山中以翹楚見稱信乎名
家子孫非常人所可及往年亦樂之從父曰風
室君與予最相善虛室歸江南予嘗送之曰落
花如海思歸夜翦燭裁詩又送君觀乎此其風
致蓋可想見於是十五年則亦樂之行予獨能
無言以敘其懷歸之意乎予且歸休將從子於
江湖之上周覽山川而詠歌其風俗以託諸其
人焉尚未爲晚也敘而系之以詩曰

上清仙子臨川客暫入金門卽賦歸夜月微聞雙玉佩
香塵不染五銖衣從遊玄圃暗風暢坐讀黃庭墜露晞
華蓋峰前如覓我應看白鶴向秋飛

送張用鼎還鄉

張郎兄弟人皆說二陸才華未足多
騏驥西風開道路芙蓉初日照江波
周官雅誦賓興禮漢代偏崇茂異科
爲語州人胡處士清豈何故覓漁蓑

題大都香山寺圖

香山蒼翠帝城西古寺高寒北斗齊
繞屋清泉龍穩臥對簷老樹鳳長栖
曾陪退相尋山徑亦共幽人躡石梯
忽見畫圖驚十載春雲秋雨不勝題

爲馬竹所照磨題香山圖

古寺深沈壓巨鼇畫圖重見記遊遨
曉城宮闕煙花合夜壑風濤樹木高
雨靜臥波雙劍影天清歸路一鴻毛

東都九老名猶在瀟洒誰同白苧袍

端午節飲客與趙伯高

龍沙冰井夏初融簪筆長隨避暑宮
蠟燭烟輕畱賈誼銅盤露冷賜揚雄
南邨久病思求艾北客多情問轉蓬
忽聽滿船歌白紵翻疑昔夢倚春鴻

用蕭性淵詩一句足成一章送常伯昂

華蓋芙蓉入座清輕雷疏雨過虛庭
永言自媿難傳世急就成章易滿屏
好客多情憐白髮幽人相顧說丹經
簞瓢便了餘生事空枉輕車到野坰

題豈錄判齊山吟卷

濟南名士古來多此地登臨孰有過
山影醮湖春雨樹

泉流滿郡晚風荷客生江國猶思憶人念鄉關想詠歌
千古齊山青未了李邕杜甫奈愁何

王真人眉叟在京上都賜酒倡和

真人燕處自高堂遠賜宮壺出上方給傳許乘飛廐馬
侑樽仍有大官羊一天雨露涼如洗四座賓僚喜欲狂
起賦新詩誇得意西風傳送及灤陽

送伯雨入茅山

獨棹扁舟入白蘋隱居舊宅去栖真囊懸肘後惟丹訣
書到人間稱道明未覺白雲畱住晚也應蒼术寄來頻
手栽松上騎飛鶴知是華陽第幾人

隱居聞道無人蹟麋鹿來依積雪深每占雲氣得芝朮
莫怪丹光穿樹林茅君白騎一虎下木客或與羣猿吟
知爾此皆最相憶遲予飛屩度千岑

次韻熊太古題金石編

上林昔見眾芳來春雨湛涵詠有萊何處北山畱客住
未聞東閣爲君開畫須具眼方畱跡琴有知音不用媒
多學少成嗟老大每看精藝欲心灰

次韻錢翼之寫大學衍義局中詩卷

貝葉西傳淨業塵泥金萬軸等長身清閒邃殿仍稽古
宋寬遺書亦發春承詔外廷須老手揮毫仙館屬才人
重觀舊事思天上白首揚雄野水濱

題王木齋歷官紀年畫像

歷官貴與年俱進，列畫衣冠如弟兄。出節遺風仍振海，生祠嘉樹各專城。丹心不改兼終始，白髮微添更老成。清夢幾曾求傳說，平昔早合識真卿。

謝僧以長送銅龜水滴

贈我銅龜盛硯水，想君久已伴題詩。爛斑隱約知千歲，縑藉丁寧愧妙辭。豈有文章須潤色，況能經濟屬論思。粗應六用俱忘息，灌沐清泉自奉持。

題靜壽道人自誌後

對雪鼓琴張道士，八十二歲顏如春。世外異書皆過目，人間樂事自終身。真如常住難爲死，搶擾相仍故是塵。知爾既忘欣戚意，往來何用賦詩頻。

輓危公遠道士

翦燭裁詩憶送君，落花如海政繽紛。幾回分別未爲老，一旦音容杳不聞。珠樹露寒蟬委蛻，玉樓風急鶴離羣。自吟新句成奇識，只許人間禮白雲。

與筆生

聖明天子御奎章，翰墨昭回日月光。晝殿風微雙鳳翥，春池波暖六龍驤。侍臣近榻誇先得，內史開函喜自將。借問紫毫誰所製，發揮神化未渠央。

棋曰此則老手顏唐之作

白雲閒上人以橘一枝見予作詩以謝

洞庭嘉實龍興種，百顆同枝重壓檐。折遺忽疑千樹盡，

分嘗猶足十人兼
貢餘露賜今難得
霜後題書尙可添
只欠吳姬圍錦幄
霏香喫霧玉纖二

荅舒真人送牡丹

真人棋罷小徘徊
手翦窗前紫綺來
天女不嫌雲霧薄
洛神親擁髻鬟堆
已令老鶴婆娑舞
更枉清泉激澗春
莫遣巢翁知勝事
詩筒日二片雲催
晚來睡重不聞鐘
仍歎看花似霧中
貪賞金盤承蜜露
不知玉樹倚春風
戰酣淮水碁應勝
雪擁藍關句更棋
欲畫新圖宜正午
須憑狸目驗芳叢

送胡古愚

仙館醉餘千石酒
上林吟徧百花風
拾遺徒步頭先白
供奉歸來錦更紅
晚下紫薇憐病鶴
春生綠水送冥鴻
故人江上如相見
爲借扁舟候禿翁

遊小孤及彭浪廟承學士命錄以示畢推官因

次韻二首

天作孤岑自幾岿
高危頻見古人詩
身當委注下無底
影絕傍緣終不移
波浪秋隨大漢淨
風雲日馭海門馳
釣竿拂樹思長往
應有沙鷗聖得知
迴舟卻往彭浪石
還藉枯筇得自持
外險內安居者樂
東流西汎渡來知
追隨過客應無事
迎享神君遂有詩
消得清秋好風日
經邱尋壑昔爲誰

送柳唐佐懷孟總管

道園遺集卷四
滿縣花開二月初郡人日望柳侯車醉翁白髮詩情在
好客清言吏事餘河水煮魚頻入饌柿林收葉徧題書
欲從太守借盤谷手自搴茅結隱廬

題李息齋竹

文翁寫竹鬢成絲不作菱蘆與柳枝日色分明見真本
天工端的是吾師動搖皆有禽相語偃蹇惟餘石不移
霽二春雲好才思千姿萬態總相宜
已學夷齊願息陰如何逐日轉蕭森發揮自出形容表
摹寫誰知進化心持贈不堪憐苦節倦懷無迹媿幽尋
更看月夜風塵定著意沈二落墨深

題先天觀

畫來新構先天觀便欲工吟勝畫師山挾風聲雷起陸
水涵天影日當池長生有道行二到深處無爲了二知
不是三年不題句卷中爲有范淳詩

次韻雲章丈欲訪惠機學士故以末句相屬冀
以因行致之

風雨相求越一邦無端苗藿庶充腸東風吹雪開梅萼
南斗垂河避劍光力薄薦書空汗漫情多愁思入滄浪
故人范叔清秋鶴誰共吟詩月滿堂

子與胥翁亞仙白劍池觀山水遇客石橋吳氏
訪自牧長老于昭福寺新成方卜門向子與
亞仙皆以正對大羅爲妙一嘗同遊約齋期輔

朝佐皆吳氏之良而牧亦吳出也莫不共贊其
美因爲賦詩以識之

重棹招提坐石溪開關更欲面羅池西來萬派分明意
前列諸峰蒼翠姿修竹疏松通一徑微雲淡月立多岵
千年白鶴重來晚解向兒孫話祖師

去冬過昭福畱詩題溪上牧所旣而蒙半邨先
生與國賓茂才青雲諸名士相繼屬和盛意不
可忘也先從牧翁寄此尙需面敘區區二也

隱居曾見繞清溪屋上青山屋下池老子風流宜白髮
阿戎翰墨稱雄姿每懷高閣看雲後投宿比鄰聽雨晷
安得青藜同照夜題詩寄惱牧牛師

贈丹士

神仙有訣煉丹砂服食三年鬢不華自有錦囊收曉露
何妨玉腕泛春霞倚松吟嘯風生袖採藥歸來月滿紗
肘後方聞多至劑青精何日到山家

題朱澤民畫

松外浮雲過眼空前瞻無際後無終幾番白雪經行地
數尺蒼髯俛仰中健筆祇今韋偃老吟詩何似杜陵窮
悠二無限滄洲興問取騎驢傲兀翁

題董生畫

李公昔守清江上翰墨交遊有稚川每從遠海風雨至
共對小山松桂眠撥鐙何處得古法臨池忽欲無千年

嗟哉李氏孫尚幼川翁家學子能傳

羅若川畫松

暮春多雨晝冥二羅生畫松當素屏老蛟化爲劍氣黑
白鶴下啄苔痕青傳來日暮自篝火夢入幽巖尋茯苓
不遇胡生露雙腳石函白了讀殘經

錕曰瘦硬森挺

又次游仙遊山詩韻

龍從山木小軒東梔子花開鼻觀通嘉節喜逢風雨外
幽懷都付笑譚中詩成絲筆從人寫醉後朱顏與眾同
卻怕有人知此樂枉將山水繫愚公

董掾湖山堂

九江秀色何處好新堂正值甘棠湖春水初生蕩洲渚
晚風欲起散魚鳧自公退食對斑竹教子讀書編綠蒲
知君廉恕足陰騭行見高門紆紫朱

留上方道院

卜隱山中事已遲歸來無處著幽棲行穿深谷卻車馬
借宿高齋慚黍雞茶爲彌明分石鼎燈從太乙借青藜
百年身世半陳迹一日林泉何足稽

送胡士恭

十年京國擅才華宰相頻招載後車太液蒼涼黃鵠羽
玄都爛漫碧桃花二清風露仙人館萬里烟塵野老家
拂拭舊題如隔世華星明漢望歸槎

送雙林西白長老用太白起句

峩眉山月半輪秋我憶家鄉亦白頭
脚踞岡原流去水身隨海岸到
峇舟長空一鳥飛無迹白雪千峰爛不收
卻笑坐來銷劫石雲興借問若爲酬

寄白雲閒上人

龍興寺裏白雲房不到于今二十霜
橘柚向來垂屋重松筠此日過人長
千函祕典心源淨百歲長齋齒頰香
若念尙書舊行履三生石上莫忘鄉

寄訢笑隱

垂手毗邪憶舊勞諸天幢戟擁林皋
開軒坐見青松老倚閣閒看白浪高
曉日上林隨步履春雲如海在揮毫

經年不得江東信獨立長風送羽毛

陳君璋新園池亭得烟雨橫塘舊榜本
漁墅陳氏之物我大父尙書公所書也尙書二此皆已

九十年而君璋之父年且九十矣故賦詩及之
烟雨橫塘是舊題尙書遺蹟久淒迷幾回玉樹鸞哥酒
曾見雕梁燕子泥近水樓臺隨地起臨堦楊柳與雲齊
小車卻異堯夫老徧洛看花信馬蹏

舊榜橫塘墨色新百年還屬百年人爭墩正爲名隨謝
隔世何妨姓共陳綺席聞鸞垂故舊金盤烹鯉亦賓親
蘭亭俛仰興懷地莫惜流觴對暮春

題蕭正肅公及尙書與楊誠齋書幅後

古木蕭森日月懸六丁猶爲護遺編一門翰墨三公履
七世風流二百年秋野蒼茫麟角出春池零亂鳳毛鮮
世居鄉里如君少西望孤城憶墓田

寫韻軒

翩二仙子藥王山明月高樓遂不還天外修眉塵鏡掩
窗中遺墨夜燈閒雪深黃竹歸無所雨暗蒼梧淚更斑
何事浮雲相遇合杳然陳迹尙人閒

楊判官春雨亭

松柏園亭雨露新慈顏幽翳倍傷神三年蔬食心如日
一勺寒泉淚滿巾孝子舊遊多國士將軍遺愛在邦人
封坐近對清江曲世二能來有鳳麟

揭北海山雨亭

周遭城郭擁坡陀北海亭中逸興多木落秋風知地迥
水高春雨見帆過華簪列坐驚年老翠袖深杯爲客歌
說與蓬萊千仞石誰能鳴鶴倚松蘿

珉上人俯清軒

高堂直下一江清千尺絲綸寄此情秋水芙蓉華月淨
春茗翡翠晚風輕坐來古硯生雲氣吟過長廊曳履聲
知有登臨無限意高山遠水已相迎

楊伯恭柳隱山房

細柳誰如灞上營清江百尺坐專城陶潛雅興還堪賦
張緒華年更有情春日貫魚多鱖鯉秋風飛羽總鯢鯨

錦衣玉帶催毬馬入對長楊聽早鶯

揭北海蓬萊亭太湖石峰

海上飛來第一峰
華星明月五雲中
千年持載遺神物
九仞飛騰接太空
不與興亡驚世換
長隨山澤與豈通
蒼茫獨立橫秋氣
未許西山得比雄

秋屏閣

幾度秋屏眞漫興
歲寒今日一馮欄
西山廬阜連天起
彭蠡番陽學海寬
久病詎能修客禮
舊遊長感奉親歡
老身若借雲房宿
臥起江山正面看

題送林松礪照磨詩卷後

朱輪豪傑早知機
一日冥鴻向海飛
風雨交遊無舊跡

江山幕府有清輝
秋空澹二蒹葭浦
春晝堂二錦繡衣
世外喬松中梁棟
澗邊莫歎故人稀

御風亭

城陰百畝轉迴塘
喬木參天翠柳長
飛蓋曉迎花霧氣
臨池春動墨雲香
衣裳清露芙蓉淨
劍佩明河玉水涼
還向人間畱妙跡
蘭亭列坐詠流觴

雙檜軒詩原序

檜之爲木仲尼嘗手植于魯天下後世莫不具
瞻焉學者之于聖人宜無所不學江右憲使覃
懷李公重山甫持剛方之節秉貞固之操乃樹
雙檜于家庭以自見蓋將景仰先聖于萬一也

夫木之爲世用多矣大材成大器小材成小器
椅桐梓漆則琴瑟之儲焉明堂清廟之棟梁非
檜莫與也尙論聖人之所爲識其大者豈非君
子之志乎乃爲之賦詩曰

素王舊植魯宮牆雙樹新陰接太行冰雪高寒今節操
雲雷參錯古文章河津此地營舟楫廊廟多年待棟梁
會與羣龍近華蓋九天朝日正蒼涼

黃仙巖

鐵色陰巖積石屯玉顏窈窕鎮崑崙上池降液作靈響
左角出雲承曉暎手抉風雲穿月窟坐當星斗直天門
昔人政有懷仙地爲挹清泉注一尊

古亭詩爲張仲淵作

濟南名士古來多誰作新亭照水波百頃高荷秋興闊
一湖明月暮船過南州城上登臨賦北海尊前感慨歌
況有吹笙王子晉清風千里接鳴珂

觀耕詩爲王可敏賦

昔歲春耕見夢中分軺此日歎民窮漸帷艸色經行路
輟食棠陰問土風歸雁相催知日近占魚猶願報年豐
他豈緩步從青鎖寤寐毋忘稼穡功

與熊天宇

與熊天宇

去歲送花無處栽至今鄰舍借園培緣籬正要帶刺枳

竝屋還須疊葉梅桑柘牆下堪食用桃李門前空綻開
故人一一可致此他年相對共銜杯

行丞相掾唐仲英事母至孝在臨川嘗知夫人
嘗藝蘭于園中花繁茂累歲增盛異于常植君
子有以占其子孫之興也他日太夫人去世而
蘭亦悴而弗華三年而忽榮如太夫人在昔仲
英感歎如見母之存焉都人士咸以爲瑞相率
爲詩歌以頌太夫人之遺惠而識天錫瑞以彰
仲英之孝後數年虞集在豫章與仲英賦續一
章云

唐氏慈親手種蘭三年憔悴傍闌干爲懷媚服承顏喜

豈意空幃帶淚看手把梧捲春露重心知佩鰈暮天寒
扶疏玉樹情何極長繞芳叢不忍看

憲府瑞柏

憲府清嚴翠柏高香烟霏霧起亭皋濃熏旭日新膏沐
細引春風近羽旄黼黻成文如錦繡丹青生色在揮毫
德星占應賢人聚濟二清朝見譽髦

酬書巢送雉尾拂

一帚千金輯雉翬巢公乞與掃塵扉凝膏不食慚金鼎
畫采爲章憶褰衣宮扇每開春日麗城旌常拂曙星微
諸緣隨起隨除卻祇有靈臺月鏡輝

會宗海藏主來江西一日山雨稍涼同溥安枯

石見過復有還澗之興書偈爲別并柬一關大士同發一笑

試問師歸何處尋稽留峰下白雲深長松正竝樓臺秀
流水頻交鐘磬音貝葉幾行西域字寶珠一串祖師心
天香桂子人閒滿擬約高秋一醉吟

送文學隱上人

西江春漲欲浮天擬覓何方一味禪渡海晨鐘雲外寺
乘潮晚飯越中船鉢分龍腦天香近茶汎玻瓈雪乳鮮
文采已彰那可隱芙蓉出水正華年

送劍江復見心上人遊徑山

臺山驀直勿岐差雙徑峰前路不賒若有劍光衝北斗

更愁帆影落東華曲江水暖花千樹古道秋高月一槎
記取題詩相送處鷺絲和雪立蘆花

重贈復見心遊浙兼簡張貞居

春雨西江漲百川袈裟又上浙東船行尋龍臥雲生徑
坐聽猿吟月浸泉客裏有詩煩爲寄山中何法可相傳
故人或者詢張拙鼻涕垂頤雪兩肩

賦文子方家篔簹亭竹影

數箇篔簹一小亭南窗承日印寒青水精簾裏珊瑚樹
雲母屏閒翡翠翎卻愛微風動蕭瑟翻疑薄暮倚娉婷
憑君縱有鶯溪絹莫與空花結定形

憶昔竹枝皆楚歌何曾舞影見婆娑玉山雲去了然是

湘浦雨痕空復多環佩因風猶錯落旌旂拂日轉委蛇
白駒皎二誰能縶霧閣雲窗奈老何

梅庭詩爲李重山賦

高人獨愛寒梅樹相對庭中作主人盤谷泉甘來素履
長安日近接朱輪瓊瑤比惠懷新好鐵石爲心憶老臣
傳得朝紳詩總好揚州何遜久逡巡

送戈伯敬東訪伯循御史就遊京師

扁舟重訪瓊花館使者還峩獬豸冠定有薦書天上去
豈無懷綬邸中看宮牆隔樹聞鸞轉朝路聽雞上馬鞍
頻寄好音傳父老鄉人都解話長安

鎮曰一氣揮灑有轉無竭

與侯頤軒

原序

道士侯頤軒其先本蜀人父从從我大父尚書
府君來吳中宋亡弗歸頤軒乃學道於洞庭之
仙壇觀集來省墓迺抱先叔祖岳陽使君遺書
與閒白雲來見集不勝感歎故贈之以詩

洞庭高士成都客曾是相從大父昔每抱遺書嗟往事
復貽妙句樂新知鴛鸞影裏心元靜鷗鷺盟邊願不移
但得閒身各安健白頭歸共橘中棊

題商德符蜀山圖

每愛商公寫蜀山蒼崖直下竹林閒錦城雨後江沙白
劍閣霜餘木葉殷何處揚雄池盡墨誰家杜甫月臨關

釣鼇海上天空闊待得仙槎一往還

寄陳湛堂法師

月宮桂子落巖阿想在林閒閱貝多持足地神衣拂石
獻珠天女鞭凌波香因結願畱龍受水為烹茶喚虎駝
寄到竹西無孔笛吹成動地太平歌

此詩白雲來吳中宋了洪韻嗣博以學餘法嗣之
山陰歸來自甚感賦此詩以獻師嗣博以學餘法嗣之
在吾來吳中宋了洪韻嗣博以學餘法嗣之
巖士刻韻博其本韻人父之俗殊大

虞文靖公道園遺稿詩卷第四

